

蘇

齋

題

跋

癸巳九月日同人邀予西山第一峯作茶  
飲歸篝鐙書於香山邑署倚山草堂之南  
生名廷松海屋名彭齡皆香山人方穀  
此冊隨見隨錄每種跋內未及釐具次序暇時  
當重加編定丙申十月四日方穀識  
查對兩漢金石記有與跋語詳畧不侔者仍依  
原跋抄入閏十日又識

覃溪先生題跋聞都下收藏家甚多姚吾雲  
允為覓抄附志於此他日必當力索自可踐諾  
耳戊戌九月廿五日書於廣州節院尊古行齋

編內跋蘭亭者或見於蘇米齋蘭亭跋當細校  
刪去為是十一月十八二鼓步月過雨春館與  
雪逸兄茶語及此因題漆  
凡題下書藏某氏者皆漆所目觀之物已亥春  
王計有四十種編定錄畢書此

蘇齋題跋目錄

大興翁方綱正三著

錢塘何

溱方穀集錄

宋王復齋鐘鼎款識冊

漢西嶽華山廟碑

漢石經尚書論語殘碑

漢武梁祠畫象

漢王稚子二闕

漢魏君碑

漢靈臺碑

蘇齋題跋 目錄

漢譙君碑

漢朱伯靈殘碑

漢子游殘碑

漢禮器碑陰題名

魏范式碑

北齊造銅雀臺石窰門銘

選碑說

元康里氏所藏唐搨廟堂碑

雙鉤唐搨廟堂碑字

重摹唐搨李秀碑

宋搨懷仁集聖教序

郎官石記序

宋搨醴泉銘

宋搨醴泉銘殘本

宋搨麻姑仙壇記

舊搨虞恭公碑

宋高宗御府褚摹蘭亭刻本

賜潘貴妃蘭亭原刻本

宋張即之楷書佛遺教經

元張伯雨書東坡虎丘寺詩

明周忠介公手札

明沈禹文手札

明肅刻淳化閣初搨本

明李羲民縮臨蘭亭

明王一峯縮臨蘭亭

明文衡山書喜雨亭記

四明范氏天一閣蘭亭卷

餘清齋樂毅論

餘清齋黃庭經

餘清齋張金界奴蘭亭

錢氏重摹趙藏五字損本蘭亭卷  
蘇齊自臨小字蘭亭  
又一本

蘇齊題跋

目錄

三



宋王復齋鐘鼎款識冊儀徵阮氏購自 周叔姬鼎吳郡

方網按首三字是人名當闕以俟攷前跋以為篆體

唯字恐未然耳

款識一冊卅葉凡六十二種其第廿三頁夏壺以下有宋人青牋紙書鐘鼎款識之題目改其冊前亦以此四字篆首也薛尚忠鐘鼎款識法帖廿卷名與此同而薛所集是摹本此則皆就原器榻得者何嘗親對齊桓柏寢之陳矣此冊首嘗與宋榻武梁祠冊同在馬衍齋處前人屢有題記今武梁祠冊歸黃秋盦蘇齋題跋

宋王復齋鐘鼎款識

而此冊歸之吳門陸氏松下清齋予前歲於滄上訪  
武梁祠閱得借觀其冊今復得借此冊摩挲二旬之  
久古器精靈森然來會信乎有墨緣邪嘉慶六年歲  
在辛酉春二月廿有四日北平翁方綱書於石墨書  
樓之後軒

黃秋盦屢為予言此冊之妙今始得借觀於蘇齋之  
後軒每晨起展玩數四與日在吾齋何異辛酉春二  
月翁方綱記

漢西嶽華山廟碑

長垣商邱詒晉齋所藏無闕字襟冊翦本

乾隆五十八年歲在癸丑冬十二月十日北平翁方綱於商邱陳伯恭學士寓齋獲觀題記

漢碑惟鄴閣頌有書者姓名耳是碑察字猶鐘鼎篆文某官某省之省也是日又書

摹山史所藏華山碑後之二十年始得見商邱藏本既喜拙詩為訂墨緣且以洪氏原本審校一字不差雖漫堂自題云缺十字然壽門鈎摹時尚未精審其實竟謂是完足無闕之本可矣山史本多闕固不必

蘇齋題跋

漢華山廟碑

一

言即天一閣本宋元豐題首一字已泐去足徵此拓本最在前也既為臨唐題數行并系小詩於後因復記此方網

西嶽華山碑唐宋題字小歐陽猶及見之今則無知者矣因商邱藏本有宋題字故為臨唐題於此

嘗與吾友錢辛楣簪事共論唐文宗年號大和是大非太今見四明范氏所藏延熹華嶽碑額旁唐題三段皆作大益信范氏此碑即豐南鼎所藏本見於鮚埼亭題跋者雖亦有宋元豐題字而元字已泐矣足徵商邱此本更拓在前耳因為伯恭臨唐人題字並

附識北方網

蘇齋摹長垣商邱貽晉齋本

述聖頌碑石內亦有元豐乙丑知華州王子文題記  
與此題同時也

王字文題名

王文蓀舊藏本宋漫堂詩所謂河北金吾老愛此者  
是也王文蓀名鵬沖是王覺斯親家覺斯題關仝寒  
山行旅圖云巳丑十二月為文老親翁又題燕文貴  
匡廬清曉圖云文蓀先生世寶順治六年上巳後二  
日又題云巳丑八月席上再觀據此則老親翁上大  
字蓋原蹟紙墨有損當是文字耳

王跋鐸

蘇齋題跋

漢華山廟碑

二

徐季海以是碑為蔡中郎書中郎隸體尚肥故當與  
史晨劉熊夏承諸帖共論之竹垞所品尚非其實耳  
若但遠引鍾王而不援率更一家出自三公亦未為  
得路也試以房彥謙碑參合范式碑則此間原委曉  
然矣癸丑冬十二月十日雪後炙硯書覃溪翁方綱  
宋漫堂得此碑在康熙三十八年己卯西陂類稿延  
熹華藏廟碑歌邵青門馮山公吳荆公王孟穀皆和  
作

癸丑冬始獲見宋商邱所藏王長垣宋拓本十二月  
二日從伯恭陳學士偕觀於寶蘇室晴牕下撫拓五

日而還之視廿年前雙鉤王山史本形較細瘦而神  
逾厚矣昔桂未谷自曲阜借得金冬心所鈎摹一本  
即從此出者春秋傳傳字訛作傳予竟誤援以付伯  
恭錄本若非今親見之悔曷由追邪宋漫堂雖自言  
闕十字然此本實與洪字所釋無異即謂一字不闕  
可耳四明本雖具有唐宋題字然元豐元字已泐信  
知此為海內第一本矣除夕前二日識  
飲石來都叩之知四明本元字紙破非石泐耳然則  
四明本畢竟還他第一也四明本予已摹為大軸附  
識於此

蘇齋題跋

漢華山廟碑

三

四明本聞錢氏所售于邱氏甲寅三月朔記  
延熹華嶽碑世所流傳烜赫之三本予皆摹藏之四  
明本僅得雙鉤本耳長垣本最完而用墨過重不無  
稍掩畫痕之憾惟山史木紙墨調勻古色盎然雖損  
失較多而神理最厚前人題識亦最富洵名蹟也安  
得以此三本合校而勒之石耶丙辰七月方綱記

四明嘉定揚州標軸整本

嘉慶十四年秋九月北平翁方綱題記  
昔顧南原撰隸辨謂宋漫堂藏華嶽碑即華陰王山  
史本予親見王山史本與宋漫堂所藏實是二本乃



知南原說之誤也今芸臺中丞得於嘉定錢氏則即  
是全樹山鮎埼亭集所云四明豐氏之本非有二本  
也乾隆己酉予有寄題辛楣少詹得華山碑詩其明  
年秋辛楣携至今借留予齋鈎摹成軸者亦即此本  
也觀者勿以辛楣無跋而疑別一本也用山史本王  
孟津韻作

經師兼及蒐金石跋尾曾聞秘角東未翦石間唐宋  
蹟誰追影廊填中補摹河北金吾邱想像南昌雪  
爪鴻廿載紫雲堂下夢憑闌小語記錢翁乾隆庚戌  
持此本與予共賞是日晚飯曹受之紫雲書屋也此  
內無辛楣跋亦猶在四明時無豐跋而宋牧仲本得  
蘇齋題跋

漢華山廟碑

四

亦無北垣長耳嘉慶十五年春三月十九日北平翁方綱時年七十有八

乾隆庚戌秋八月望後嘉定錢竹汀持此未裝大幅來都借留几間旬日周山茨陸磐士羅兩峯同看至今二十年矣嘉慶辛午春三月十八日北平翁方綱

記

是秋七月望因校効揚州新刻隸韻復借至蘇齋諦審明白並前雙鈎款行皆無差舛矣圭字是作上下二層其中間直畫正中不相連而亦不多空今日重刻木或有中直相連又婁氏字原於中太過空者皆未

得其真耳方網又書

蘇齋摹四明嘉定揚州本

紫金樹山自言所藏華山廟碑額旁有唐宋諸題今以華嶽廟中趙文淵劉升八分諸碑上下左右皆有題識知樹山之言不妄也劉升碑有明河濱李楷升則題字云云謹摩於此以見是碑毀於地震之說蓋為可信第未知樹山所藏豐學士萬卷樓中物今在何所耳此地震後古碑大為俗人所捐聚合以快一觀稽首稽首敬志敬志乾隆四十四年夏四月望日方網書於小蓬萊閣

蘇齋題跋

漢華山廟碑

五

此本歸四明范氏今為嘉定錢辛楣少詹所得未入辛楣齋之前一夕張芭堂為予鉤摩見寄今予已廓填裝成巨軸矣十年舊夢竟得踐言也

華陰東郭王朱標冊剪本

乾隆甲午冬吾友朱竹君學使自江南歸以所得王無異藏本見示即所謂闕一百五字本也予借來齋日碑十日思力并諸跋鉤摩裝為冊此本明萬曆中藏華陰東肇商雲駒陰商雲雛兄弟之墨莊樓雲駒以贈華州郭宗昌允伯允伯號沁園人又號宛委山人所居有松談閣其家僮惠靈偃史明二人者善裝潢

於天啓四年重裝今此摹冊尺寸悉依之也入國  
朝歸華陰王宏撰嘯月樓宏撰字無異號山史康熙  
八年携此本至京師明年庚戌自跋於後云孫少宰  
有跋而庚子銷夏記無之後轉歸歛之何氏程易時說何氏  
號素乾隆丙戌歸徽州學官上海黃文蓮晨槎後七  
年癸巳星槎以歸行君吳江陸蘆墟自識其臨本云  
予得華山碑雙鉤本於顧南原家謂從商邱宋尚書  
摹得其原碑即華陰王無異家藏本南原隸辨亦云  
予從商邱宋藏書摹得之即無異藏本也方綱既借  
竹君鈎摹此本為冊亦遂信為即商邱藏本矣今年  
蘇齋題跋

戊戌五月曲阜貴<sup>桂</sup>未谷從顏氏家得金壽門雙鉤商  
邱藏本則凡王無異所闕之字此皆有因更為鈎摹  
一本又借竹君本來細校別摹其副以寄至陝西俾  
中丞畢公勅諸祠下既而以商邱詩校之則所謂宋  
拓僅闕十字者蓋即此本也而顏陸所謂文字完好  
者亦即此本蓋原石第三行首歲字八行末門字十  
行持節祀焉節字末行杜遷石三字遺書佐書字又  
鄭字又蘇張下二字君下一字此十一字皆極殘損  
而亦皆稍可以意補者也陸臨弟三十二本自是商  
邱之本闕十字王無異本闕百五字判然二本同在

人間實無可疑者南原之說姜白蒲亦云耳此則傳聞之誤亦不必以為疑矣春秋傳傳字陸臨正同而顧不錄者偶失之耳予既喜二本積疑一旦豁然而又以未得闕十字之本快一對臨為憾故姑在壽門雙鉤本補入王無異本以成全璧延平劒合終當有日爾

姜名任脩如畢皋人雍正元年以王無異本摹勒上石

三原王焯跋在康熙四年乙巳此在商邱得是碑之前三十餘年而已稱存海者二本則是本並著於世已久矣而陳子文金石遺文錄云華嶽廟碑趙子函舊物授諸王山史者趙子函三字當是已轉畀淮浦

蘇齋題跋

漢華山廟碑

七

張力臣予詆之不獲循環於胸次者垂三十年甲申  
膺月出守黔州道經邛上從舊友周儀一處得見此  
碑繼晷臨摹兼錄諸題跋乙酉二月十三日皖江舟  
中書按劉潤生再觀此碑在康熙十四年乙卯下至  
四十四年乙酉正三十年而此碑後有山史庚戌六  
月自跋則其歸張力臣當即在此數年之後而宋漫  
堂得華山碑在康熙三十八年己卯陳子文則於康  
熙四十三年甲申見之邛上其非宋漫堂本可知此  
亦世有二本之確證矣乾隆戊戌秋七月九日北平  
翁方綱識



華山廟碑歌為竹君學使賦

漢安元嘉與永壽東京碑字皆未磨今人獨於此碑  
惜謂出中郎重摩挲或云會稽攷古誤太史郎那中  
郎過元常元嘉卒史字禪圭信否圖經訛箭筈門間  
殿基砌嘉靖年以麓沙廟趙亟所以慨作跋跋與洪  
趙非一科誰知此跋宛在此葉葉蠅楷如擘窠椒花  
舫深塵不到未展額篆先吟哦上溯周禮職方氏下  
薦巡狩豐年歌霸陵新豐地特紀袁君孫君績駢羅  
昭印瞻仰女汝合鑒亨字更加切磋碑以鑒為監亨  
惟初分隸次仲作王蕭之志交相訶建初熹平源測

蘇齋題跋

漢華山廟碑

八

委韓詩鄭易諺則那篆與隸分迹所減初但俯仰無  
撇波華山華亭記樊毅三碑皆系於光在建寧之前  
建初後篆隸斟酌無偏頗鎔金屈鐵七百字金精白  
帝高嵯峨三峯萬古一元氣想見於此旋羲娥精神  
融結列此本二百年前已無多雲駒雲雕二東子墨  
莊樓中同于摩郭尋題曰郭香察小史述以凍筆呵  
裝橫一藝成故實方行於魯亦矜九螺松談閣又翠微  
閣山史筆力追隸蝌孫碩二跋不可見諸老白髮來  
婆娑百年又隨江南客星虹萬丈藏烟蘿君今輕裘  
南返北一本匣抵千金馭君精六書勝於郭尉律不

止言雲戈宜討本原證文字昌黎所謂如懸河昔人  
每用吉金擬但稽職司不及它一碑可以該漢隸婁  
機字原較若何正甲午

蘇齋摹華陰東郭王朱本

劉潤生再觀康熙十四年乙卯於是上距宛委之歿  
廿四年矣潤生為宛委作金石史序云先生與父同  
齡忘年友余又云壬辰初夏聞先生歿以乙卯潤生  
母百齡計之則宛委歿於順治九年年將八十矣乾  
隆戊戌秋七月三日于原心亭校金石史歸而篝燈  
書此

蘇齋題跋

漢華山廟碑

九

瘦同將之陝西因畢秋帆中丞修藏廟俾予重摹延  
熹碑勒之石系以詩

二東王郭皆秦人不聞手摹重勒秦吳中近來好事  
者前姜後陸爭鐫珉皆云商邱宋氏自闕百闕十誰  
比倫滄浪亭子漫堂詠翠微園後二十春既從河北  
王氏購王文蘇蘇文那羨華下王家珍或云陸臨宋藏本完  
善宛出羶推新又在十字損者上幾若三本堂皆陳  
諸公所記必一誤萬事目覩方為真陸云欲臨三百  
遍前後巧拙奚斷斷山川精靈蓋不偶金天貯蠻宗  
明裡中丞好古重市石舍人倘亦杜郭隣魚句催我

始落筆霽景正值澄秋日意光墨縷引一髮倏忽倒  
薤垂千鈞初如攀鎖上龍背步步追躡疑有神又若  
通天箭筈口藏蓮雲斷橫閣津孰云方整即奇古要  
信妥帖方嶙峋向來中郎認髣髴徒與洪婁追後塵  
我臨此本甫一再但覺元氣來渾淪他時足躡五千  
仞肅拜祠下重逡巡歸來中廂磨片石見孫雖遠氣  
脉親世間真復有二本興雲觸石孰主賓未知山靈  
許我否因君致問王井濱

曲阜桂木谷以顏氏所藏華嶽碑雙鈎本見示即頌  
南原所謂商邱宋氏完好本也爰為補摹賦此

蘇齋題跋

漢華山廟碑

十

華陰商邱各藏一一闕百五一闕十曩疑此語今信  
之不敢專矜舊所習惜兩石本不並凡此出鈎摹太  
拙澀按圖既喜字無假寄陝况值碑重立往時姜陸  
一再刻爭託商邱所什襲豈無中間補綴筆正為追  
還元氣急方員奇正文質兼果若斯言焉得及舊云  
中郎非貌取我昨石經粗綆汲史晨夏承約畧間次  
仲籀斯相出入可憐今代碩文學撐拒洪婁頗岌岌  
買璞周人腊豈知無權子莫中焉執端從全拓論氣  
體何止二京量等級洪家急就已變古訓纂凡將要  
收拾商邱雖說字抵珠深意誰續前賢集我得見與

顧陸同石本又先膏馥裒寔光響搨動積旬河北關  
西盡吾笈日明如水墨如珠歛是蓮峯雲氣溼雙鉤  
更不費神描篆縷空烟自呼吸  
商邱陳伯恭編修刻予所摹漢延熹華嶽碑賦此代  
跋

陳子刻此盖有由前後嗜古皆商邱商邱三本不可  
見予追目想二十秋華陰所藏或疑是異哉我忽瞻  
雙鉤冬心先生大滌佳金壽門何以得見梁園收安  
知非出鼠腊假竒在二本鉞石投一百五處玉璽合  
儼八萬戶凹九修華陰本闕月微胸前脇後尾纖纖

蘇齋題跋

漢華山廟碑

十一

留尚煩前人屢驚怪欲於漢隸矜最優商邱本拓想  
更早波法必極豐而道漢隸於斯特小變道其劉勁  
豐其柔中郎蹟自石經外劉熊最著不可求夏承州  
輔幾摹勒吾於夏石窮冥搜頗信中郎法不遠無若  
此刻神相謀書評豈必黨徐浩圖經要異題鍾繇故  
從兩本證一是瘦肥增減得巧偷叅以七經尚書法  
雁行苗裔風悠悠碑後作圖寸縮尺近刻欲傲褚與  
牛昨者中丞藏祠葺紙本摹寄煩置郵私心終擬自  
市石橋嶽精靈非易酬陳子浩蕩生感激手摩萬墨  
工未鳩萬墨伯恭齋名盡刻前賢跋贊詠十日援案精校讐



未知西陂鑒賞日賓朋之樂有此不西陂一本尚在  
世深夜光氣騰蛟蚪必驚隣家聒村巷陳子力購寧  
肯休爾時再借華陰本對案寶鼎歌雲浮然後踐我  
市石願陝本陳本鼎足儔金精元氣射東海蓮池下  
視沫一漚更窮石泥銀牒紀鉤梯字勒神所遊莫輕  
界文續隸續神之式之同咨疇松風吹涕墨花舞寒  
具不怕桓元油己亥正月三日方綱書於小蓬萊閣  
漢西嶽華山廟碑延熹八年立此拓本校洪氏隸識  
少九十七字則宋末所拓抑明初所拓皆未可知今  
人獨貴之者石久亡而拓本無二也昔都南濠援徐

浩古迹記以為蔡中郎書趙子函云郭香乃蒞中郎  
書邪今雖不能定為果中郎書然顧亭林朱竹垞皆  
謂律歷志郭香即此人攷郭香之名見於五官郎中  
馮光沛相上計掾陳晃奏中亭下三府集議其時坐  
侍中西北與光晃相難問者即蔡邕爾在熹平四年  
三月九日也邕可以理香之說則香何不可以察邕  
之書哉邕集中所謂楊秉碑正在延熹八年而秉又  
華陰人也若碑中字体奇正互出古今迭用非邕隸  
勢所謂脩短相副異体同勢奇姿譎誕靡有常制者  
乎即以二三字略言之如克字陵字皆加點與說文

不合而與古籀奇字轉近夏承碑克字亦有點世或以夏碑亦出中郎雖不可盡信然必非無因也佩觿云李少監陽冰說蔡中郎以豐同豐又與此碑合矣惟以王為玉王欣救思六二切玉工也今以通玉則未知何出然戴攷高直闕楊著碑楊統碑陰皆然是玉王通用漢人類如此矣至於碑額廟字月作彖則諸體所無不敢妄為之說也竹垞云兼諸碑之長為漢隸第一愚謂兼諸碑之長則然矣至若禮器百石卒史二碑之渾古蒼朴更無復楷隸之蹤此碑上通篆下通楷借以觀前後變割之所以然則於書道源

流最易見也夫使人易見者非其最至也者姜彥發  
字源摹勢頗有誤顧南原隸辨多正之南園摹自宋  
漫堂家雙鉤本漫堂雙鉤則出自此本吾友諸竹君  
學使得自江南歸而示予遂借于齋中殫十日思力  
雙鉤此本未知去漫堂本若何願以前人往復鑒賞  
之物方網後生末學得十日與俱足矣并臨其跋語  
數條裝冊而書於後乾隆三十有九年歲在甲午十  
月十九日

碑石有紋如碁局後有唐人題名今皆不可攷矣趙  
子函跋謂嘉靖中縣令修藏廟碎為砌石顧亭林謂

嘉靖三十四年地震毀二說不同然使果毀於地震亦必尚有片石存者恐趙說是也此拓本明萬曆中藏華陰東肇商雲駒蔭商雲雛兄弟之墨莊樓雲駒以贈華州郭宗昌允伯允伯號止園又號宛委山人所居有松談閣其家僮惠靈偃史明二人者善裝潢于天啟四年重裝入國朝歸華陰王宏撰嘯月樓宏撰字無異號山史於康熙八年携此帖至京師明年庚戌自跋于後戒子孫不得輕乞人題跋又云孫頌王三跋別為冊頌跋見金石文字記而孫跋庚子銷夏記無之此後轉入江南宋漫堂中丞曾就此雙

蘇齋題跋

漢華山廟碑

十四

鈞而此本歸歛之何氏乾隆三十一年丙戌歸徽州  
學官上海黃文蓮星槎後七年癸巳星槎以贈朱竹  
君學使學使援史記封禪書漢書郊祀志後漢袁安  
傳以證其事又據六書以考是碑其可以見篆隸楷  
之通變者有六一曰本字虛初華馮是也二曰古通  
字虛壹脩假澁趾亨變大共女是也三曰與小篆合戾殷  
興秦虛壹登風發起精銘曰奉州惟恭討陰靈會是也  
四曰變篆而意則存其年農利巖荒梁雍展飲香  
是也五曰變篆作俗書之俑周禮之通氣歲夏承召  
時豐前亡西深垂于桑舞漢兼章馨吉無明京陵得

據德勅穎是也六曰篆變而楷不從施是是雲原峻利  
致是也竹君自跋云尔而闕字從夕則併寓三五盈  
闕之義不特門觀而已顧南原之是正諸字也獨於  
岐字引玉篇友為古支字然玉篇初無此文而姜彥  
發原本此字尚與碑合不知南原何以正之若陵字  
加點則諸家皆未之及蓋字勢之變非一端而已也  
竹君得此本之明年借留予寶蘇室旬日來晝夜耽  
玩若亦與予有深契者他日倘力能市石更遇好手  
庶得重勒片石傳之翰墨精靈名嶽神祇共聞斯言  
已是日又書

蘇齋題跋

漢華山廟碑

五

借華山廟碑鈞臨畢見其前有王孟津書所作詩凡  
六首愛而并臨之遂和韻

增減何論篆大小款銘底問漢西東併將行楷橫斜  
勢都入方員平直中仰止高山驚一翻後來大海等

羣鴻張遷碑肯僅流麗欲問小長蘆釣翁朱竹垞跋謂此碑兼

漢諸碑之長而獨以流麗推張遷碑古文豈本不從山東亥評量漫

等閒古變今仍今合古古今文字一機關三峯石

面逕俱迷二月江南草又萋誰續一編相國洪抵他六

紙庾安西詩諸老何須華山歸紫頭欲有藏雲飛

小牕明月梅花夢一夜聲松來拂衣椒花舫子香



氤氲古鼎照人非墨痕我謀款識徧銘槃薛尚功溯  
揚子雲 玉烟一片割嶽峯安得良工肖苦心比似  
禹碑青赤字不愁綠樹嘯猿深十九日書於寶蘇室  
方網

蘇齋題跋

漢華山廟碑

十六

漢石經尚書論語殘碑

隸釋云石經尚書殘碑較孔安國尚書多十字少二  
十一字不同者五十五字借用者八字方綱案此所  
謂多少幾字者僅指洪氏所得見者言之今若以孔  
本度其全碑之字合存與闕計之尚書盤庚篇之五  
行第一行七十一字第二行七十四字第三行七十  
九字第四行七十六字論語為政篇之第八行第一  
行連空格凡七十六字第二行七十四字第三行七  
十三字第四行七十五字第五行七十四字第六行  
七十二字第七行七十一字堯曰篇之四行第一行

七十四字第二行七十九字第三行七十四字其各末二行則難計也蓋隸釋廣川書跋皆言碑高一丈廣四尺以漢尺度之每字高廣一寸以諸書所記碑石之數核之諸經字數則所謂表裏隸書者當得其實其每行之數不同者則或經文有增損較今板本不同者不可以臆知矣

宋乾道中洪适以所得尚書儀禮公羊論語千九百餘字鐫之會稽蓬萊閣凡八石吾邛衍云石經遺字碑會稽蓬萊閣翻本破缺磨滅不異真古碑竊以蓬萊閣石刻不見於諸家著錄隸釋所載則尚書五百

四十七字魯詩百 三字儀禮四十五字公羊三  
百七十五字論語九百七十一字其為八石或牽連  
接續鐫之或每段別自起訖皆未可知今堯曰篇文  
自起一行前無鄰接之字而尚書盤庚篇庚字論語  
堯曰篇冠字然字尚皆微露一二筆為政篇女字尚  
有全字而洪皆云闕則或疑其未必是蓬萊閣重刻  
本也然洪所云闕者如禮器碑更字國字之類今拓  
本尚有可辨則或當日偶未細檢者尚不止此碑而  
重摹漢石經者復有成都胡元質刻本越州石氏重  
刻本靖江王府重刻本顧炎武謂見於鄒平張氏京  
蘇齋題跋

師孫氏家者尚書盤庚篇三十餘字論語為政篇七十餘字堯曰篇三十餘字似乎所見即是此本特字數未之核爾孫承澤庚子銷夏記則直以為蔡邕原本謂宋初開地唐御史府得石經十餘石又嘉祐中居民治地得碎石洗視乃石經此本蓋彼時所搨也然黃伯思見尚書二百三十六字董道見論語第一至第十四一石二百七十八字十八至二十一石三百五十七字二書所舉與今本異者蓋即洪所見之本而孫氏藏本裝入硯山齋祕笈者後為華亭王鴻緒所得長洲何焯猶及見之何云是越州石氏模本

然亦不言所以定為石氏本之據要之孫氏所得即此拓本之字則灼然無疑者也乾隆四十二年秋八月廿六日北平翁方綱跋

洪氏又云諸經字體各不同公羊詩書儀禮又在論語上劉寬碑陰王暉題名則公羊詩書之鴈行黃初孔廟碑則論語之苗裔若然則洪氏之論固謂瘦勝於肥矣今以此拓本證之良然廿七日晨起書

蔡邕諸人書石經在鴻都未立學之前三年後人以熹平石經目曰鴻都石經者非也光和元年二月始置鴻都門學

蘇齊題跋

石經殘碑

三

近日吳中顧藹吉著隸辨謂曾摹北海孫氏藏本然所錄字近百名頗與此不合荅顧氏但授洪婁二書為之耳非真見石本也

今年四月陳吉士宗本以所得漢石經殘字來眎凡六十七字尚書魯詩儀禮公羊論語皆具字逕漢尺二寸外波勢亦道既手摹之矣然心疑中郎石經字不應如此之大今見此本迺為釋然毋論孝子之子及廋下無哉字與洪董合也今日客或有以小字疑者不知趙明誠已言蔡中郎小字八分矣且若使字至二寸外則六經文字將至數百碑十丈之堂所不

能容矣此又不待辨而自明者也九月一日方綱  
吾鄉孫退谷研山齋所藏漢石經殘字今在松江王  
周謨侍御處門人吳樵堂進士以楷書寫寄比予所  
摹黃秋盦藏本多凶德綏績四字又見白蒲姜退耕  
摹刻北海孫氏本止多德字右半而已何義門云孫  
退谷所藏漢石經是越州石氏模本愚案隸續云稽  
山石邦哲熙明聚碑頗富今亡矣假之其子祖禮故  
能成書於越又案越州石氏刻帖之目見於寶刻叢  
編漢石經在焉其摩刻歲月雖不可考大約與洪氏  
蓬萊之刻其時當不相遠又道在越州則恐即是洪



氏之本耳  
北平翁方綱

漢武梁祠畫象

伏戲倉精初造正業畫卦結繩以理海內

紫王業字是工非王不待攷辨而後知也即石鼓邈車既王之王字亦是如此北平翁方綱

方綱案易正義曰垂衣裳者以前衣皮其制短小今衣絲麻布帛其制長大故云垂衣裳也今觀武梁祠畫自黃帝以前伏戲祝誦神農衣皆短小可徵經義矣

又案此畫卦伏羲氏手持曲尺蓋以短象畫卦也故於初造工業首以畫卦言之昔得吳門陸氏摹本與蘇齋題跋

漢武梁祠畫象

張石公舍人損同觀石公云曲尺矩也所謂圖出於方方出於矩矩出於九九八十一也曲尺中間小尺弦也方圖皆有弦邪逕相通之率也圖為句方為股矩廣長也小尺邪逕為弦其象為因而圖之逕一而周三所謂句廣三也又所謂環矩以為圖也參天兩地而倚數參天句也兩地股也句股正歷舍距不能從事也

祝誦氏無所造為未有耆欲口罰未施方網案耆即嗜字此何待辨且洪氏所錄乃作者字並不作者字諸君蓋未見隸釋善本耳又案沮誦乃

黃帝史當在人臣之列不應與羲農並也通鑑前編云祝融氏又曰祝誦氏是時天下治和萬物咸若祝融聽弇州之鳴鳥以為樂歌是也顧氏隸辨誦字收入一東韻融字下正與此合矣

神農氏因宜教田辟土種穀以振萬民

方綱案易神農氏作斲木為耜標木為耒考工記匠人為溝洫耜廣五寸二耜為耦注古者耜一金疏謂耒頭金金廣五寸鄭云耜一金對後代耜歧頭二金者至後漢用午耕種故有歧頭兩脚耜今猶然也據此則此圖中田器端分兩股者似非古制矣然說文

耒兩刃耒也從木个象形宋魏曰耒也互爪切耒耜也詳里切或作耒臣鉉等曰今俗作耒耜據此耒耜耒皆一物也合以證之初耒耜必以一金為古制而說文所解小篆非興於漢其以耒從木个象形耒耜者个乃分別之勢則耒端之兩分蓋亦非必起於後世矣正可援說文此條以詰周易斲木之義者也

黃帝多所改作造兵井田制衣裳立宮宅

方網案通鑑黃帝用甲兵制陳法以師兵為營衛於是畫野分州得百里之國萬區遂經土設井立步制畝使八家為井井開四道而分八宅井一為鄰鄰三

為朋朋三為里里五為邑邑十為都都十為師師十為州分之於井而計於州則地著而數詳此段所言造兵井田云云者即其事也

帝堯放勳其仁如天其知如神就之如日望之如雲

方綱案顧南原云勳諸碑以災省為重此復變重為童今所行重刊字原摹本失之

帝舜名重華耕於歷山外養三年

洪氏隸釋止有帝舜名重華五字蓋拓本偶闕非原泐也翁方綱

蘇齋題跋

漢武梁祠畫象

三

夏禹長於地理脉泉知陰隨時設防退為肉

刑

方綱案此退字實非過字洪氏初不誤也以今所見  
拓本驗之退字無疑

方綱案禮曰委貌周道也章甫殷道也毋追夏后氏  
之道也鄭注毋發聲也追猶堆也夏后氏質以其形  
名之也漢書輿服志曰委貌冠皮弁冠同制長七寸  
高四寸制如覆杯前高廣後畧銳所謂夏之毋追殷  
之章甫者也此條並可與鄭司農釋周官禮之義相  
參證也

曾子質孝以通神明貫感神祇著于來方後  
世凱式口口懽網

曾子質孝以通神明貫感神祇著靈來方後世凱式  
口口懽網此條方網審定改正釋文如此來方者即  
將來之義猶言方來又言方將也

讒言三至慈母投杼 此一榜在象之下方橫書洪  
氏所遺方網補錄

閔子騫與假母居愛有偏移子騫衣寒御車  
失楮 子騫後母弟 子騫父

張石公曰輯應在車下二馬駕之輯在二馬間也今

蘇齋題跋

漢武梁祠畫象

四



畫輶在一馬旁非也方網案陳祥道禮書曰先儒謂天子駕六諸侯與卿駕四大夫駕三士駕二庶人駕一庾蔚曰漢世駕一馬而坐乘此圖漢時所畫恐未必盡合於周制也若蓋程達常之式則已略具矣方網按徧即偏字

方網案第一跋小印模糊下有鑒字未攷其為何人然以模作禾旁誤也往者高郵王石臞念孫說此字凡數條今日在沈州使院予門人南城王賓齋聘珍亦為此字覩縷授引甚為博洽然予以為此漢世骨史之書偶有通變不足異爾

方綱於丁酉秋聞秋盦說揚州汪君雪礪家藏是冊  
至己亥冬謀諸羅兩峯江秋史欲借觀而不得至癸  
卯春秋盦借吳門陸氏摹本寄予予因手摹一本并  
詳記其畫像甲辰春又得江君所寄油素影摹本而  
秋盦復摹其隸書來屬予題識因合三本參互考證  
著于予所撰兩漢金石記卷內至丙午秋秋盦於嘉  
祥縣紫雲山竟全訪得武氏祠闕畫像題字甚多則  
洪氏所載於隸續者一旦具得其石且補出洪氏所  
未見者前後凡數十字於是秋盦與予二人十年以  
來心營目想之狀皆豁然得識其真矣今汪氏竟以

蘇齋題跋

漢武梁祠畫象

五

此冊歸於秋盦是天所以報其剔石之勤實古今著錄家鑒賞家所未有之大快也今秋盦寄此冊來屬題而方綱之與此冊亦倍有神交氣合之夙緣既系以小詩復書此以識之區區石墨名樓真與秋盦共結小蓬萊之約矣

朱竹垞跋引史繩祖說按繩祖字慶長眉山人嘗受業於魏了翁官至直煥章閣主管成都玉局觀其大父武陽君精篆隸嘗撰隸格一編以補鄱陽洪氏之書其所藏武梁祠石像本自完好如新隸法可為楷式有其乾道丁亥自跋入南宋衛博號定菴官樞密

院編脩跋武氏石室畫象云此本文字奇古少譌缺  
尤可珍愛乾道丁亥夏有特示建康尹云即張如瑩  
瑩尚書家所藏本也定菴又云聞之喻子才郎中南  
渡後四十年纔得見之蓋在宋時此拓本之難得已  
如此今見此冊紙墨之古豈即衛氏所云張尚書本  
者耶乾隆五十六年歲在辛亥冬十有二日北平翁  
方綱

蘇齋題跋

漢武梁祠畫象

六

漢王稚子二闕

王稚子闕洪氏隸續所錄凡三見其第五卷第十三卷皆名為之圖一圖其闕式一圖其畫象也又其第二卷別出稚陽稚子一題云右先置稚陽稚子六字其大小與王稚子闕相若而波磔不越乎規矩之外亦刻於稚子闕上但殘闕不具無先後之序愚按此六字即其額也不應別出一題其置字蓋即靈字之譌耳又新城王文簡秦蜀驛程後記詳錄闕上題記之文按文簡此記作於康熙卅五年丙子在黃子羽為新都令倩工拓碑後之五十三年而其時不但雙闕

具存且闕上所刻人物象虎海馬師子之形及逐層  
後人題記之字皆無恙則黃子羽作令時其完好更  
可知也然此拓本漫漶太甚蓋出于工人之鹵莽若  
州字中直之歧出河字下點令字上半皆屬楠失且  
其上數層之文皆置之不拓誠可憾也然洪氏所得  
拓本見寄黃子羽之前五百年而已譌靈為置則其  
石泐已久又可知也前年門人陳和軒觀察入蜀以  
拓本見寄則僅存雒陽令一闕及闕後陰之二半行  
耳然其拓法轉勝於此本以是歎善本之難得而此  
冊雙闕其存尤可貴也予既重感秋盦之所獲之不偶

因為遍考前人著錄之文臨寫於後

西漢循吏稱文翁葬于成都其石室在學官東漢循吏稱王稚子葬於鄆縣即今之新都其石闕在道旁然石室依古禮殿得不磨滅而石闕獨暴露骨立可憐歷兩漢千三百餘年間二人為古今吏師而遺跡亭亭勢參峨嵋氣凜雪山蓋官學者所當臣於下風以幸教髣髴而至有未及知者其不韙如此予訪古石類得秦石犀石笋漢石室石柱石闕凡物五若犀笋與柱無甚損益事而石闕苟不朽則實二人之甘棠也于是新都令王君天常趣古甚力得予說因請

蘇齋題跋

漢王稚子二闕

二

大尹蒲陽蔡公為稚子作屋書榜以昭昏昏按闕面  
有隸字三十一法度勁古過于鍾梁闕上下有衣冠  
鳥獸等象僅可辨氣韻精簡過于頽陸并以告來者  
右王稚子闕之陰予所見殘拓本僅存前二行廿  
三字今據蜀都碎事補臨全文於此此文宋劉涇  
字巨濟所作凡楷書十一行行廿三字

宛邱李昇符季士宏鄒詹權眉張剛壬午歲季冬廿  
四日龍舒陳口公觀此建中靖國元年洛陽張顥岷  
山張剛汴西馬中行同迂大尹清源口口  
此在闕上之第三層周遭行楷橫書今石已不存



唐安張察先至 紹興八年秋八口伯疆口漢同采  
此二段在關上之第四層今石已不存一段直書  
一段八分橫書

建安吳栻口赴鎮明年二月口皆謁漢循吏王口城  
東東同之激口

右一段在關上第五層之西面直下行書今石已  
不存

若渾筍與柱口也於是新都口大尹蒲陽口口  
右一段在第五層之北面直下行楷書今石已不  
存

以上凡五段皆後人題字今竝未見拓本據新城王  
文簡秦蜀驛程後記補錄于此乾隆五十年歲在乙  
巳冬十月有五日北平翁方綱

漢魏君碑

右漢故涼州刺史魏君之碑凡存四百九十五字以校洪氏隸釋所錄者少其二十五字多其七字秦下逝字輔吳之下遼類二字百典下察字三方失下來字二書下之字番尋下軌字凡七字皆洪氏所無也碑內僊即遷字𣦵字即穆字其作𣦵者隸釋板本誤以𣦵為皇也券勞也鄭康成曰券今倦字漢碑皆以券為倦既是倦之本字何煩訓解婁氏字原乃云券蓋倦字他碑所未用者又以置於契券券字之下蓋誤以从力者為从加也

蘇齊題跋

漢魏君碑

洪氏碑式云碑十六行石已斷剝所存者行三十一  
字題名四行行四又然則洪不言陰是題名即在正  
面非碑陰也今拓本略可見者十三人又其微露一  
二筆如系苟之類洪所未及耳周龍幼興下一齊字  
當亦別是一人

是碑樸質蒼勁微似張遷碑而加之流逸又間出以  
參差錯落之致漢隸能品也後題四行竟類韓勅禮  
器碑而又有下開唐隸處章溪方綱

此泰安趙氏所舊藏世無二本也方綱又記  
張石公舍人跋又補釋三處春秋六十確是六字予

已據此補入釋文內矣至於寃是台輔確是是字舍人誤看作分耳若周家彥英下其紙直連樂浪太守樂浪太守劇鶯元才下其紙直連薄令劇皇脩正以此標本未翦斷而益知洪氏之是也蓋洪氏同云題名四行行四人也今是周嘉彥英下至樂浪太守恰於中隔三人再自元才下至薄令亦恰隔三人而其紙適皆接連於是知洪氏隸釋所書題名皆是案原石橫列書之先其上列而後及其次列也近日著錄金石諸家往往忽而依橫書為序迄未有以訂正而畫一之者今得此條始知洪氏所錄皆依橫列為序

蘇齋題跋

漢魏君碑

二

自今可據以為著錄之定式而非含人之言亦莫吾  
發也因併附識於後方網

漢靈臺碑

右成陽靈臺碑重刻本字逕寸許與倉頡廟碑字形大小相近彼參差無格而此皆畫一但重刻本或未具界紋耳此標冊雖逐行翦截然其中如軋比之象二行紙仍相連兩時降以下三行紙亦相連咸歌頌聲以下三行紙亦相連則標上雖巧終亦莫能泯其重刻之迹也其與洪本異者連白表奏白洪作自當是洪刻之謫立闕通天立洪作上則二字皆可通存以俟考可也下應下洪闕五字今諦審其弟二字是刊字即形也版之延壽下洪闕二字今諦審似是哀

蘇齋題跋

漢靈臺碑

一

平三字而此平字之下半微譌耳崇如下洪闕二字  
今諦審似是不積二字此三處並足以補訂隸釋者  
也崇如之如與前感赤龍交如生堯句之如字皆即  
而字古而如通用也又洪氏所未釋者柜即矩字婁  
氏字源於語韻別出柜字非也莫不被德洪本作被  
然是碑被字皆書為彼則此未必是被字今審此拓  
本左與木苟相近右與包字相近恐是抱字此亦當  
存攷者也至於索經攷典索字此拓本下半作朶上  
受符命上字此拓本作其則皆翻本之誤也其最誤  
者則銘內云歷紀盈千盈即盈字洪婁二書所同盈



千云者統以千計之詞今見此拓本乃作四千案通鑑帝堯一百載癸未歲至後漢靈帝建寧五年壬子歲凡二千四百三十年何以云四千也蓋因拓本剝泐盈字生半已失遂止據其下半四字形近四字而致謠耳然就此一字驗之則此刻字形大小已有改動吾不能信其他字之亦有改作否矣未一行年月之年字垂筆下逾二格漢隸惟見五鳳二年石刻暨宛令益州刺史李君碑與此而三矣蓋漢隸中每有此體婁氏字原已言之也裔字則此拓本獨與洪婁所錄不同此本雖是重刻自有的據况筆法渾勁必

蘇齋題跋

漢靈臺碑

二

非譌作也然其中亦恐原石既泐痕與筆勢界在  
銖黍未可以膠柱鼓瑟者愚是以弟就其與洪婁所  
錄登洪氏洵喜一章足<sub>圖</sub>證者摹存於篋以資攷核  
而其餘諸字如圖之為圖神之加點雖出洪婁所錄  
而亦未敢處處援以傳會恐涉於近日顧南原之所  
為也乾隆乙巳秋七月廿四日北平翁方綱識  
崇如不顏<sub>七</sub>與涯為韻此顏字亦秋<sub>史</sub>所釋也堯廟  
碑又曰高如不危滿不如隘與此句可以互證也可  
舞八<sub>以</sub>奏文章八下當是詠字蓋亦葛天氏八闋  
之類歟方綱

漢譙君碑

右小黃門譙敏碑并額重刻本雖字畫失真紙墨尚舊洪氏所闕二字今諦審之優游下似是氏字恐僭為郎也喪亡上似是乃字未云中平四年七月十八日癸卯造隸釋作廿八日今驗此拓本是十字是年七月丙戌朔則癸卯是十八日無疑當據此以正隸釋之誤也覃谿方綱

蘇齋題跋

漢譙君碑

漢朱伯靈殘碑

右漢故幽州刺史朱龜殘碑并額計中間空闕處與  
洪氏隸釋正同而尚軼去大半是重刻本之僅存者  
字畫之古勁非宋以後人所能摹勒當即作中平原  
刻觀矣

秋盒以所得成陽靈臺碑小黃門譙敏碑暨是碑三  
種屬為跋尾三碑之中是碑最為精妙以洪所云闕  
者攷之邁種下似是書字解黨上一字左系旁石似  
足以愚意度之原本是疏字蓋左正上微近系首  
拓本模糊致謠耳尔乃之乃上半是蓋原拓不甚

蘇齋題跋

漢朱伯靈殘碑

一

分明鑒賞家幸勿作平頂觀也

隸圖云朱龜碑篆額二行有穿文十七行行卅三字  
有碁局紋今惟見界文餘不可攷矣然歐陽公云于  
時幽州州下減一字以君為御史中丞其後磨減小  
歐陽人云龜廣陵人蓋歐陽所得是極殘損之本故  
致于時益州益謫為幽而廣陵太守之孫謫為廣陵  
人也今見此殘拓抑孰何減者人所得耶

是碑書勢多變方為圖在漢隸中為最近篆者宜六  
朝變楷之後以永興嗣山陰也觀漢隸當合前後原  
流觀之乙巳秋七月廿三日跋此四條方綱

鉢過過皆不確觀音勿信也此祖石在歐趙洪之前  
也方綱又書  
邁種下是書惠二字惠字江秋史所釋的確不易即  
此二字尚於重刻之本辨出則其祖石本在洪氏所  
得二本之前何待言哉方綱

人云人疑是又字

蘇齋題跋

漢朱伯靈殘碑

二

漢子游殘碑藏香山黃氏

嘉慶三年四月廿五日安陽令趙希潢得此石於縣北四十里之豐樂鎮西門豹祠內土人埋於地中灰沙蒙翳其友偃師武君及徐柴二君為助力洗剔乃稍可辨如此趙君自為之記翁方綱

拊安陽新出四漢碑歌

安陽城北神祠庶漢四殘碑齋出上其一分為左右二何減昔說任城五漢碑最著宛與濟甌斜石門太脩阻安陽近在河豫間何人當穴為楹礎柱折垣頽又幾年奇光鬱々今纔覩子游一碑歲永

蘇齋題跋

漢子游殘碑

初一日曰元孫一孰祖其一大字最道逸力似孔宙  
神飛舞一云辛酉三月日建光光和歲誰譜略云  
業在春秋學著錄百人傳訓詁得非嚴顏弟子行  
潁川鄆陵派齊魯銘文闕泐作者誰永建人書有  
誰語徘徊三歎世遼遠鸞鳳一翎珍鍛羽劉寬四  
石漱難得楊震四碑廣奚取前年黃子與何君杏  
壇二刻重扶樹近來我輩金石癖果邀造物精靈  
聚十年不得趙生出書三段記摹歐帖貯行春拜謁  
西門君好風來拂蘇齋塵徐榮二字力勤滌武君  
三禮功同剖三虛禮妙義方證著州之三傳證六書寸許八



分雄萬古釋文宣但續洪晏作詩寄趙蕙洲武墨  
卿使節過安陽定拓百本充囊橐學案題作四碑  
齋嘉慶三年歲戊午  
乾隆癸丑三月先子得孔君碣於孔林墻外親為  
洗滌移置廟內小松司馬為繪滌碑圖徵同人題  
詠記事詩中所云蓋指此也方穀

蘇齋題跋

漢子游殘碑

二

漢禮器碑陰題名

此在禮器碑陰米行陳國苦窋宗伯宗之外邊拓者  
多遺失之七人者序銘一人書韓明府銜一人書故  
涿郡太守以下一人書碑陰諸名一人書增入諸名  
一人書左右側各一人書也顧南原謂碑字參錯不  
齊有後人附增者王翦林又謂其字體數變皆未知  
碑陰有此七人所作之文耳吾齋有此舊拓本東鄉  
為摹石傳之有功於金石匪淺也嘉慶癸酉春二月  
望北平翁方綱時年八十

漢隸書人名曜奴等七人最古矣此外朱登衡方仇  
蘇齋題跋

漢禮器碑陰

靖西秩仇締邵閣孫興張遷皆具本碑若石經蔡邕  
等雖著聞而未詳鍾繇史百碑卒蔡邕碑承皆後人所  
題耳惜師宜官之耿球碑無傳也方綱又識

魏范式碑

是碑洪氏已多闕文隸續所列碑式無之其行次位  
置不可攷矣今以此拓舊本驗之每行存二十二三  
字下半剝泐是通計二十許行也又有洪所未錄數  
字尚存髣髴今亦不敢遽以補釋矣此本泰安趙閣  
老家舊藏後歸歷城郭氏今歸錢塘黃秋盦為海內  
希有之蹟矣先是戊戌夏膠州崔君墨雲得是碑額  
于濟寧龍門坊水口石下魚臺令莫君拓其文遺予  
邀心舍魚門同觀賦詩至今五年果得見此舊拓本  
信乎文字之緣精靈感召非偶然也是碑舊說多誤

蘇齋題跋

魏范式碑

糾李嗣真書品之文予別有詳詳于後癸卯臘月十

九日北平翁方綱

今年夏曲阜柱未谷書來云於歷城郭氏見范巨卿  
碑翦標本可辨者三百三十字而已結體在衡方韓  
仁之間與漢石經絕不類李嗣真乃定為蔡書無論  
立碑年歲不合即筆法亦大相逕矣未谷精十分隸  
所鑒當不差得是札後寤寐以之其秋九月得黃小  
松自濟寧所寓書乃知是碑為小松所得將託孔戶  
部荏谷使人之便寄來京師俾予與同人題之至其  
冬十二月是碑寄至予既為響榻一本又為補未谷

所未辨之字十有一正洪氏所釋誤字一忠諫洪氏  
潛心坐誤其下三日而知未谷之鑒弗確也蔡中郎  
卒于初平三年壬申是碑立於青龍三年乙卯相去  
四十三年此非他碑在漢末所立可以傳會蔡書者  
比也稍有知識者不至謬誤若此况李嗣真在唐初  
負蕤苑重名其肯自蹈於後人之譏議乎自趙德父  
金石錄始糾嗣真之誤而洪文惠隸釋婁彥發漢隸  
字源以至近今凡著錄金石家無不以此為口實于  
是未谷又增一語以為與石經不類而李嗣真之謬  
妄為千人共指者矣予乃取李嗣真書後品之文讀

蘇齋題跋

魏范武碑

二

之而知李嗣真不誤而諸家之誤也書品此條乃論  
列梁蔡皇衛諸家之書其言曰母邱興碑云是索書  
比蔡石經無相假借蔡公諸體惟有范巨卿碑風華  
豔麗古今冠絕詳李此言之意蓋合同時諸家與蔡  
相衡校而漢碑多不著名氏漢末一時隸法大都習  
蔡之體者居多惟有母邱興一碑云是索書則其意  
以范巨卿碑為不知何人書可知矣其上句云比蔡  
石經無相假借是專指蔡所書石經之一體言之所  
以下句轉出蔡公諸體謂同時學蔡書者不止學其  
石經一體耳蓋隸之為勢非一而蔡之結體公松巨

細其應于變如當時芝英體亦或以為蔡書是也蔡書之體既非一端而學蔡書者亦非一人就其中蔡體之善者則莫若范巨卿碑耳此言本極明白猶之後人品唐碑亦云歐體顏體宜可即指為率更之書魯公之書乎至於石經本非中郎一手所書今日石經拓本又已百不存一何得以是碑與石經比較耶况即使同出一予而應詔莊敬之體與年石隨手之變亦自不同予嘗辨西岳華山夏承劉熊諸碑昔人以為蔡中郎書者其言皆非無據洪氏云書家名氏非出於本碑者概不足信此語以評唐宋以後之碑

蘇齋題跋

魏范式碑

三



則可若漢碑則皆無書人名氏安得有出於本碑者哉如小歐陽於漢碑每條下皆系一語云左無撰書人名氏不亦贅乎是碑於勁利之中出以淳朴而頓挫節制神采煥發實高在漢末皇象梁鵠諸家之上其目為蔡體第一者蓋李嗣真見學蔡之書必多乃有此折衷之鑒不特是碑之品目上下原流劃然可尋而蔡書之勢亦因此可得其圭臬後來歐陽率更書法之祕筆：皆從此碑得之此非深求漢唐接續之脈者未易語也予嘗竊謂漢碑自以韓叔節禮器碑為冠若蔡中即最有名於時其實在漢隸中非其

至者然此事探原會委兩漢之書至中郎而發揮始  
為盡致是以後之稱述者尤為烜赫而唐人楷隸之  
祖實以是為俎豆不桃之壇墀焉蓋常論書有形質  
有性情若禮器諸碑則形質性情合同渾化學者莫  
尋其端倪是以但得其形質而忘其性情是非學人  
之拙正亦以其境地之太高也惟至於此碑則形質  
皆呈露為性情在唐初既見稱於李嗣真則唐賢諸  
家當必人人服習且中郎為漢隸之大宗書家之正  
路幸賴唐賢編論必有師承千百年之後猶得借此  
一碑為之津逮其於書學或尚稍有補乎今必謂指

蘇齋題跋

魏范武碑

四

為中郎書者無所攷據而披其駁之疑之者抑又何嘗有所攷據不過一偈百和喜於翻前人語必欲使漢隸中不許有蔡中郎一撇一拂而後已中郎何辜而致此耶自今宜懸李嗣真書後品之語以為范巨鄉碑之定評而予之得見此舊拓本因於千百年書學淵源一大關鍵借以發明不亦大快幸哉北平翁方綱

張石公跋謂嘖非顧然已但訓為至則非也易繫辭贖字九家作冊京作嘖嘖訓情也虞翻曰嘖謂初也揚雄太元化在嘖也范注陽氣潛地下故云化在嘖

據此二訓正與探字義合亦不當引說文也廿日方  
網識

是碑祿冊之首有部省書畫之印案是印為元內府  
鑒藏所用則是本為宋拓無疑矣特是有殘失者所  
以更少於洪氏之本耳甲辰二月二日覃溪方網識

蘇齋題跋

魏范武碑

北齊造銅雀臺石鞏門銘

北齊天保七年脩廣三臺宮殿至九年竣故此刻云  
八年九年也後三行人名猶存古刻先上列後下列  
之式亦攷證者所宜知也北平翁方綱識

增詩

高家丁丑列戊寅銅雀臺造石鞏門千二百年片石  
出拭苔弔古漳河濱安陽趙令王學使後先拓共蘇  
齋論此臺雖是建安造應劉七子無雄文翺邪孫兒  
客銘字馬子石室謠惟聞此銘乃計百代後軍主幢  
主名猶存爾時石書用石墨書兼隸楷仍隸分鐫錢  
蘇齋題跋

北齊造銅雀臺石鞏門銘

四凸古所笑遺刻那湔隋與陳文深仲珪覓不得我  
方日辨歐虞真大河迨迨水花綠為我柱銘洗薛統  
天保八年丁丑即率更生之年其九年戊寅即永興  
銘之故詩末及中州金石所飢渴以并者萍書砥柱  
之方網并識

蘇齋選碑說

昔竇尚華謂有唐一代未嘗見右軍正書故評唐碑者當以仰承晉法為主臬焉

率更書化度寺碑

真本惟范氏書樓殘石星鳳希遼宋初翻本近千

字者已失其真矣

永興書孔子廟堂碑

今已得見唐石真本矣詳具續書冊內

真本不可見世所行者陝本圖腴城武本清勁以二本參酌庶幾近之

率更九成宮醴泉銘

蘇齋題跋

選碑說

北宋拓者極肥厚

褚河南蓋法師碑  
以上三種寔右軍嫡乳晉法之存於今者爾

真本亦不可得矣其翻本有近虞者有近歐者二本皆不真真本現在吳門為海內第一妙墨

張長史即官石記

董刺戲鴻堂一本最失真吳門翻刻一本亦未到  
此非見真本不可真本聞在山左人家未得見之  
率更小字千文

世無二本豐道生云二王可學此帖不易幾也直



可配化度寺碑矣宋拓真本閩藏平望鎮汪氏

率更虞恭公碑

此與郎官記皆

另有詳說見不冊丁

每行過廿二字者是舊本

率更黃甫君碑

學歐必從此入手

永興破邪論序

越州石氏刻本尚好看

河南度人經

河南陰符經

文氏停雲館所勒皆石氏本也從此問津黃庭東

蘇齋題跋

選碑說

方象賁即山陰桓在茲矣

樂毅論海宇本

樂毅論今已得古本別撰攷二卷丁

停雲本竟失之至于口口刻本則不可用也此惟

復齋碑錄詳之最關攷證

薛少保書昇仙太子碑陰并碑前年月

其陰下半是鍾紹京書非薛書矣

唐初歐虞褚薛四家并稱而薛書世無知者惟此

昇仙碑陰是其手迹薛曜書遠遜之薛稷字嗣通

時與薛曜稱二薛

此碑在河南偃師縣其正面武后書不足道耳

唐元宗御書泰山銘後年月一行

此唐人大書最佳者中宗滎陽手勅遠遜此矣  
尚有薛純陀大書砥柱銘及顏魯公離堆記屢經  
訪榻至今尚未得見附識於此  
此以上皆唐書上乘

褚河南倪寬贊

韓存良所藏真本不可見今惟鬱岡齋刻本

孔祭酒碑

不知何人書及似雲永興或即謂永興書非也

褚河南伊闕佛龕碑

蘇齋題跋

選碑說

碑在龍門磨崖大字此唐楷中之隸法也  
柳諫議李西平碑

此柳書第一能得未鑿以前之舊本更妙  
李北海端州石室記

此北海書第一亦唐楷中之隸法

陳諫南海神廟碑

此碑亞於虞褚

顏魯公宋廣平碑側

此側字冲和淡遠是顏書最高之作

宋廣平碑

茅山李元靖先生碑

殷君夫人碑

元次山碑

此皆魯公正書上品

顏魯公金天王廟題名

魯公中興頌

竇懷哲書蘭陵公主碑

褚河南書房元齡碑

河南書雁塔聖教序記

張阿難碑

蘇齊題跋

選碑說

僧書似雲褚

莒公唐儉碑

不知何人書亦有雲褚意

褒公毀志元碑

亦有隸意

柳子寬書諸葛祠記并陰子寬名公綽諫議之弟米

此碑之陰上半是其所書元章謂其不綽于其兄者

竇叔向碑姪易書

于志寧碑男立政小楷

張嘉貞書北岳廟碑

彙選唐正書五十種茲更擇其最上選三十七種  
為式亭老友記於此冊嘉慶庚申臘八日方綱  
予彙為式亭錄唐人正書上品卅七種茲式亭復  
以素冊求錄其未盡者因取前所錄者補其最要  
之三種亦溫故知新之義也

雲永興書廟堂碑向未得見唐石真本今幸得見元  
康里氏所藏唐碑並非專以圓勝向來為陝刻所  
誤耳金壇王荊林亦云雲得右軍之圖亦是僅就  
陝刻言之自何義門王荊林徐壇長諸輩皆未嘗  
親見唐本耳世所謂雲書者僅皆專指陝本言之

致使永興真指蹟湮沒不可見雖陝刻亦極似原本  
處然未免一律趨於過圓又起勢每傷於尖纖捺  
脚每失之笨統尚多不及城武本之得真而城武  
本拓者甚少人所罕知之者然城武本年久亦太  
細淺又有過涉枯瘦不及陝本精腴之處愚竊撰  
廟堂碑攷一卷取陝本城武本逐字校核唐本著  
其同異得失此卷今已刻于曲阜庶幾稍見永興  
原碑之真際耳

率更書虞恭公碑著錄家皆言殘闕且無率更銜名  
近日翻本妄以皇甫府君碑後率更銜名移置此



碑之末大失真矣世所見上半截拓本每行僅二十三四字昔林同人致是碑据醴泉志云僅存四百餘字者即指此上半截言之蓋工人惜帑不肯全拓其下半士大夫亦皆過而不問顧亭林金石文字記亦僅以殘闕二字了之此碑下半無人知者非一日矣予今屬友往陝者覓工洗滌全石以淡墨拓之乃視外間所傳者得多千餘字第一行題下辨出中書侍郎江陵縣開國子岑文本撰渤海縣男歐陽詢書碑內全文可辨者得二千八十餘字誠大快事也擇其精妙者手摹得八百許字

倘遇善工能謀重勒於石足勝外間翻本十倍矣  
此碑實化度醴泉間最見率更筆意者前所論未  
盡故其詳說之

張長史正書卽官石記向見吳下有重勒本故疑董  
文敏戲鴻堂所刻之未必得真去年始得見唐石  
原本乃知董刻不誤而吳門重勒之誤也此二本  
有王元美敬美兄弟手跋品以永興廟堂之亞實  
則不過可比褚公東山帖若遽以永興擬之尚過  
譽耳董華亭刻入戲鴻堂帖者雖失其神理然大  
局却自不差要之唐楷以化度為第一廟堂醴泉

亦各有臻極處此外則益益法師虞恭公皆躋妙品  
而長史此記或附參焉可耳  
以上補前冊所未說者  
又有舊所選而未寫于前冊者

昭仁寺碑

無書人名氏或以為永興書非也

王居士塋塔銘

敬客書楷楷之派

柳書護命經

河南書小字千文

蘇齊題跋

選碑說

王士則書李寶臣紀功頌

御史臺題名

卽官題名

王知敬書嵩山武后詩

虞書奉三日帖

褚書奉五日帖

徐嶠之書姚弋碑

沮渠書老君祠碑

甘道士書明皇勅

以上合前冊所選凡五十種

嘉慶乙卯冬十二月六日為六亭老友書方網

蘇齋題跋

選研說

八

元康里氏所藏唐搨廟堂碑現藏臨川李氏

何義門云廟堂碑是相傳江左字體但未見唐石其用筆不可攷求矣孫月峯則有峭勁似率更之語今以此原石驗之乃凝重非峭勁也陝本稍得其圓腴而失其平正城武本稍平正而又失其圓腴世間無真書他碑可證破邪論謹傳摹本耳孔祭酒碑仿真法而結局太疎學者但知從陝本過趨圓折而于長捺更笨鈍著迹全失其淵穆凝遠之度得此原石本然後可以會通晉唐書家正脈直溯山陰叢山柴凡公人不遠此本在篋日日當有吉祥雲來護之嘉慶

蘇齋題跋

元康里氏所藏唐搨廟堂碑

一

十二年歲在丁卯春二月二十二日北平翁方綱識

雙鉤唐搨廟堂碑字 蘇齋刻本

黃山谷云孔廟虞書貞觀刻千兩黃金那購得蓋此  
碑唐本前惟山谷見之後惟王敬美孫月峯見之近  
日嗜古博聞如何義門王虛舟徐壇長皆未之見也  
今幸得見元康里氏舊藏本真唐石字尚存千四百  
許而泐損殘<sup>失</sup>者多矣陝本最精腴而每以欹側失  
其平正又失在石肩圓滑撇頂尖纖捺脚笨鈍城武  
本清健矣又失枯瘠今以原本證之陝本城武本皆  
有極肖處而有必不可不訂正處恨無名手可追三  
本格韻與其勉強重鐫全文遜于前人不若擇其要  
蘇齋題跋



者存之為訂正二本之助謹摹此百廿字麓識其藥  
他日儻得遇良工摹此千四百餘字砌諸曲阜齊廊  
則閔中丞所重摹陝本及方網所摹城武本舊拓殘  
字皆不足云矣惟近庶樂推句內陝本闕一格恰在  
此本所脫失處無由詳攷此疑尚未豁然耳嘉慶十  
二年丁卯夏四月望北平翁方綱識

重摹唐搨李秀碑 臨川李氏

觀此撫刻本始知趙子函輩所以有松雪臨寫之疑也然此不特不知北海抑且不知松雪矣松雪深厚固非以姿媚勝然至北海此碑則高松巨石拔地倚天而精神凝固炯然萬古後來趙董不過各得其一節耳董文敏所得本蓋遠在此撫本下而鉤摹又失之竟題曰北海書刻入戲鴻堂帖亦不言何碑也至陳香泉作帖攷乃目為小雲麾碑董陳皆號知書者而謬誤若此雲麾豈可言大小哉即董跋以此碑與陝碑論肥瘠恐亦以目皮相也嘉慶丁巳長至日得

蘇齋題跋

重摹唐搨李秀碑

一

雙鉤此本寄題方綱

宋拓懷仁集聖教序 現藏曷山潘氏

此本用墨雖太重而其中最得神彩處則諸本莫及也畧舉一二於此秋榮孤征孤字子旁上橫之下將折下處其側微有闕痕半黍許蓋由墨本如此故上石時闕之亦道道字上筆之闕痕也乃後來拓本竟似上橫斷住中彎另起者拓手之失也嘗于同年紀曉嵐齋中見朝鮮國文殊院記沙門坦然仿集聖教序書其孤字上橫斷住中彎另起詳其立石在宋建炎四年則所臨是宋以前拓本而墨痕所掩已如此矣今以此本驗之信是連下而原有闕痕耳然此一

蘇齋題跋

宋拓懷仁聖教序

一

條猶非極有關係者前幅云佛道崇虛此崇字即蘭亭叙崇山字也山頭之下一之上橫列三小點然後中加大點無論定武本褚臨本皆同惟是褚臨本文系蕃衍又經後人屢有翻撫今之重摹此本山下竟無此橫列三小點矣而却尚有空一分許之黑地試問尚非原有三點則山下一上無端空至分許是何故哉惟定武善本三點具存此可為辨定而褚臨則武善本之法雖極精之舊本亦只見右邊一點有似于橫掠者其左二點則雖極舊之宋拓亦皆不可見矣今以此懷仁集聖教崇字驗之實是如此其左二點或是原墨

蹟上石時太輕微至久而掩昧歟要之其右一點則分明具在也而聖教舊拓亦多為用墨所掩獨此一本崇字山下右點極為明白誠是褚臨蘭亭之息壤矣又此崇字山頭三直是先祖挑一筆開局甚寬然後作中間一直此中間一直之末尖却是向祖微有蹙起之勢而右末小直斜注而下以見疎密迴合之章法定武本神致渾淪其緒難尋其實定武本亦是如此惟褚本此山頭三直最為可辨而後來翻本盡失之獨懷仁集聖教具此微妙而後來拓本又盡失之惟此宋拓精本乃庶幾得之此一字真至寶也故

蘇齋題跋

宋拓懷仁聖教序

二

將拓出之以見宋拓聖教善本之可貴如此甲子秋  
八月十二日方綱識

郎官石記序現藏南海葉氏

張長史郎官石記序都南溪所藏宋榻世無二本山谷謂唐人正書無能出其右者山谷此語蓋深探草法之原謂其正書在唐人中無多讓所以草書無轍迹可尋時揭出其正書短度使人善會其草書之根抵耳而弇州過況此言遂謂化度九成廟堂皆為之退三舍此猶之敬美誤讀山谷跋以為其正書無轍迹可尋也敬美又舉容字極字取法廟堂碑且謂以今日所見王彥超本張書有出藍之觀此則實非確見唐賢諸名蹟炳在天壤千古自有定論耳愚按長

蘇齋題跋

郎官石記序



史此書實由褚中令上潯王大令不必援化度廟堂  
始為增價也而其用筆之妙則是由唐人問津晉法  
之正路況原石久亡此本皆世真景星鳳凰矣愚題  
跋後閱月知此在雲谷農部友多聞齊將選石重勒  
精意撫傳庶足以訂正華亭董氏戲鴻堂刻之失蓋  
褚書東山帖後惟此為無上神品矣嘉慶十年乙丑  
夏六月廿日北平翁方綱識

蘇齋學人北平翁方綱詩境小軒楷楷臨旬日由褚法  
以問津大令蓋千年以來書脈繫焉

宋拓醴泉銘曲阜孔氏雪谷藏

此本後有沈氏跋所謂梁溪秦氏世藏千金帖者  
秦氏已摹刻行於世足以奪真然與此斷泐處悉同  
無怪凡民此跋以為伯仲之間也至于凡民跋內歌  
前人化度勝醴泉之說凡民此語蓋本于王虛舟虛  
舟先生一生習歐書而不知化度豈惟不識化度抑  
并不識醴泉豈惟不識醴泉直不知學歐書耳歐書  
者須以其中圓渾之筆為性情而方整之筆不過是  
其形質其淳古者乃直根柢篆隸故曰醴泉從蘭亭  
出而蘭亭從篆出觀斯銘者必能知此義然後為得

蘇齋題跋

宋拓醴泉銘

耳吾為天下鑒書家拈出此義願與具眼者共詳之  
吾豈敢妄識識壺舟先生乎乾隆辛亥春二月既望北  
平翁方綱

既為雪谷作前跋後閱月門人江秋史侍御讀禮南  
還以其所藏宋拓本留予齋因復借此本乘細對靜  
研五晝夜乃益見此本帝墨拓手之妙予所見真宋  
本凡十餘矣以此本居最上也雪谷先生幸珍秘之  
四月朔方綱又識

附錄沈氏民跋

率更在唐時已推為書家巨手而醴泉銘乃其奉

勅書尤是經意之作故品第當居邕師瑒銘上評  
者甲化度而乙醴泉恐非篤論也宋靖康來南北  
間隔樞塲所市都是覆本僅存間架了乏神韻不  
知率更書風骨內含神明外朗一片清淑秀挺之  
氣更絕塵外不善學者徒貌其積角反張不能追  
取其風神毋怪乎筆筆在紙素來板刻樣余見宋  
本不下數十惟梁溪秦氏世傳千金帖乃明懷宗  
出內府所賜者為天下第一今來孝經當獲見此  
本擅拓精良神采煥發當在千金帖伯仲之間識  
者自能辨之也因綴數語以誌老年之深幸云乾

蘇齋題跋

宋拓醴泉銘

二

隆十有九年歲在甲戌閏四月十八日補羅外史  
沈鳳書後

宋拓醴泉銘殘本 錢塘何氏家藏  
此三十九字真宋拓本無疑予所見宋拓凡十餘本  
以新安汪文端公所藏全本為第一然未有不用濃  
墨者蓋宋時拓工多如此耳觀者正不必以墨色過  
重為嫌也已酉二月廿八日北平翁方綱識

蘇齊題跋

宋拓醴泉銘殘本

一

宋拓麻姑仙壇記現藏南海葉氏

此南城真本舊拓也渾樸深厚在諸本之上今日行江書院迺是從北翻出者耳此亦今之星鳳矣尚珍秘之方綱

顏平原書以宋廣平碑為第一而其碑側之字尤妙是乃張長史口傳之秘法褚河南得之于虞永興永得興之于石軍者也平原書脈所以直接晉人者正在於此其次則殷君夫人碑再次則元次山李元靖諸碑矣唐人蠅頭細楷本不多見惟有此記足與宋廣平碑相印證而翻刻本又多失之獨此南城原石蘇齋題跋

宋拓麻姑仙壇記

一

本尚略存其真意此本紙質墨色亦非近今拓手所  
及學顏書者於此精心求之雖以橫之尋丈可矣已  
酉春二月廿有六日北平翁方綱識於南昌使院



虞恭公溫彥博碑舊拓全本蘇齋舊藏現歸香山鄭氏計

林同人云碑在昭陵東南第八列第二區劉洞邨討  
卅六行存上尺許丁丑醴志存四百廿字今三百餘  
字然今拓本明白者尚有六百字若此本凡畧可辨  
者尚將近千字予竟題籤云舊拓全本非謂其文全  
也碑既極泐工人肯用寬長之紙并不可識處亦皆  
拓之而裝冊文章偶留其最下數字在今日即謂之  
全本可矣即上截明白處以今尺度之亦有二尺許  
而僅云尺許何也趙子函謂不復可拓亦誣矣  
墨林快事云未裝整幅每行約廿四三字通計八百

蘇齋題跋

虞恭公碑舊拓本

一

廿餘字今此拓本通計可辨者竟有千字通計石存字數見後嘗慨想若得覓工往陝西用寬長之紙全拓之或多得未見之殘畫一二筆亦幸矣今獲購此尚是數十年前拓本惟中間偶有脫失數字餘皆視今多出數百字矣壬申六月顧南雅得一本云是康熙初年拓者正與同時拓每行存廿三字趙明誠錄云岑文本撰此必欲在第一行題下書人名王擣牛氏圖云研高九尺五寸濶三尺蓋中腹一段尚有三四尺全無字形之空紙耳然幸存率庚史銜名則拓本所罕見也今以全拓整紙量之自碑額之頂至每行七十七字

之六底通高八尺二寸又細審中腹字亦尚有可辨者

趙子函云碑在李靖碑北數千步牛氏圖土人樵其字殆畫書法視皇甫九成化度三碑最為得中予嘗謂此碑視皇甫為得中耳豈云視化度為得中乎今深繹之通知子函固有所見而道言之未詳也化度是率更最矜重之作是以字字道逸無一筆馳騁至于虞恭公碑則率更年八有十一更在晚年矣筆情所到并忘矜重之迹是以皇甫之馳騁九成之整鍊化度之道逸兼而有之時而出之其馳騁精悍或有不

蘇齊題跋

虞恭公碑舊拓本

二

必盡如黃<sup>皇</sup>甫者其凝鍊整秀亦有不盡如九成者然其道逸冲和則有可與化度并臻至極者孫率府所謂思慮通審壯少陵所謂暮年轉極者也得此將近千字之本心融而神會之庶幾古今正楷舒歛通會之由可得而仰窺矣

虞恭公碑予見舊本多矣其最善者乙巳夏見王筠林所跋謂生平所見宋拓第一本者尚存七百許字辛酉春借吳門陸僅庭藏繆武子家宋拓本有江左僧彌印願云美跋云余七歲時見此本於外祖陸文近先生几上八分書籤外王父尚寶公筆也後再見

之邵僧彌願堂今五十年凡四易主辛丑冬書于塔影園然此二本已皆不見率更銜名矣今獲此本得見率更銜名何啻球圖寶之

購得此本竟若有人如吾意拓全紙固已奇矣迺尤異者此裝冊與吾所裝化度寺碑元跋冊分寸不差銖黍率更妙蹟適得同貯一函豈非墨緣

嘉慶丙寅春得此舊拓存近十字之裝冊是年夏後連府增借全拓大幅因託南畹明府精拓數紙至丁卯夏討摹得二千八十六字良一快也

追想百八十年前嗜古探奇如趙子函輩能似鄙人

蘇齊題跋

虞恭公碑舊拓本

三

碑用心力豈不視今日所得更多乎然宋時人已不肯全拓下截矣可恨可恨  
以今整幅驗之此本竟是康熙初之全拓耳惜多翦  
失耳

率更此碑<sup>首</sup>尾將三千字既非一日之功復多隨手  
之變如遊名山正當備盡其起伏明暗以窺微妙安  
得僅執<sup>上</sup>尺許完整處乎須于無意中象罔求殊一  
重一掩揆草聽泉處處見匡廬真面但於句中索句  
耳六月一日雨窓識

嘉慶十一年春三月望汪巽泉為購此歸於蘇齋

是夏盛暑揮汗審定又費二旬之功碑凡三十六行  
行七十七字七月三日記

只疑邕塔隼波存夢倚嵩陽晚照昏誰點墨池雲過  
影小樓西角玉鈎痕流水孤邨隔碧境珠胎玉屑  
幾人緘摩挲空石翻成笑已傲林侗與趙岫題虞  
恭公碑二首益自趙子函游九峻後至今百八十八  
年矣似亦足豪也丙寅四月廿日

侯官林侗作碑攷志援醴志四百奇石存上橫僅尺  
許全碑梗概誰復知趙岫秦人記親到云不可拓空  
嗟咨趙林後又百餘載劉洞邨緬荒蕪基昔年張瘦

蘇齋題跋

虞恭公碑舊拓本

錢待二老友遊秦為我郵筒馳廿有六行行廿許恨  
不續紙補所遺率更之銜罕著錄翻本妄假皇甫為  
今日翻刻本銀青光祿大夫歐陽詢書此是率更最晚筆後于邕塔泉  
銘時所謂暮年思轉極非騁奇姿非矜持每當神來  
澹彌首偏在泐處工難施安得此近千字本琴無弦  
處能傳之娟娟雲霧漏纖魄活活萍藻穿清漪美人  
臨窓幃羅綺天馬逸氣留銜街羈上纔分明目開霧下  
乃掩映心摹追有如詩古整拜棹行間墨縷餘深思  
觀碑千古費揣擬坐卧三日歸求師岑公撰銜想中  
腹何年敲礪遭磨治唐陵陪立最名蹟孔祭酒石虞



猶疑歐楷豈塔自第一吾齋睥錦誰損麓百十年前  
此裝冊一函貯勿差豪釐豈碑古拓此今拓幸有難  
造如相期亦擬作圖備遺失願云殘缺徒貽嗤亭林  
以文字記碑字不全者蘇齋楷法又獲此春兩杏苑文繁  
枝適逢聯飛送好語墨沼日日香風吹昨讀廣川書  
聯飛語以證余新得梁嘉慶十一年春三月望後  
夢梁毅論果是真本也  
二日雨中自題所購虞恭公碑後方綱

蘇齋題跋

虞恭公碑舊拓本

五

賜潘貴妃蘭亭原刻本 曲阜孔氏雪谷藏

此宋高宗賜潘貴妃本王弼州以為理宗者誤也今  
慈谿姜氏湖州錢氏皆有此本重刻之石此其祖本  
也辛酉二月翁方綱  
懷仁從蘭亭集聖教豈知又從聖教集成蘭亭可謂  
百千燈同一光矣方綱

蘇齋題跋

潘貴妃蘭亭石刻本

一

宋高宗御府褚摹蘭亭刻本曲阜孔氏雪谷藏  
右蘭亭舊本前有機暇清賞印後有紹興二字印是  
宋高宗御府所藏褚本也前又有陳緝熙書畫印陳  
鑑字緝熙吳郡人明景泰中宮國子祭酒富于收藏  
尤好鈎摹蘭亭嘗以所藏宋拓本重摹轉售於人王  
弇州以三十千購之其為當時所珍重如此況又在  
三百餘年後耶乾隆五十六年春二月十九日北平  
翁方綱

蘇齋題跋

宋高宗御府褚摹蘭亭

一

張即之楷書佛遺教經卷 現藏南海葉氏  
張溫夫生於淳熙三年丙午至是寶祐三年乙卯年  
七十四也溫夫以書著名南宋之末而金人亦極重  
其書此書佛遺教經自運筆意却非仿右軍作論楞  
寮者自以楷格在行押之上正無庸援吳傳朋專師  
晉法以例之耳嘉慶丁丑冬十二月方綱

元張伯雨書東城虎丘寺詩卷

右張貞居書東坡虎丘寺詩後題云至正戊子上巳  
日按是年貞居七十六故有鬢絲之歎甯然留清詩  
甯亦勝刻本竊也安邑宋芝山得此蹟以見示時乾  
隆四十三年歲在戊戌夏閏六月二十日北平翁方  
綱

題此後之廿有七年雲谷復持來重題于後六行異  
字乃左之誤偶然筆誤不足疑耳嘉慶十年乙丑又  
值閏六月復以予臨本對看方綱識

蘇齋題跋

張伯雨書蘇詩

一

明周忠介公順昌手札 款云現老年契兄

俊碩厨間黨籍論誰如璫禍弔湘魂偏餘故紙淋漓  
氣多少江湖血淚痕 賸來詩話到江東文舊姚甥  
尺幅中松癭間庭內客語只應夜月照秋空嘉慶丁  
丑夏四月八日北平翁方綱

右明周忠介公致文毅手札後人因繪忠介公像於  
前昇并同時諸手札廿有二通合裝為冊諸札有忠介  
手記札到之年月者亦有記札到之年月而非出忠  
介手書者凡十處用蘇齋印記之蓋皆周氏家所舊  
藏也惟米呂札與林封司者是忠介身後所作內列

叙諸人繆當時謬誤言旁豈原稿又經謄寫歟惜不  
得公子端孝先生請邱之血書副稿同裝於此耳然  
其時忠義之禍慘酷至此縱有追贈廬未有旌考之舉正復  
何益之有君子道消小人剝廬未有君明季之甚者  
此內李仲達一札云冬氣不極陽春不甞二語雖君  
切其時事然不知造物者直欲以挽回修復元氣之  
全局有待於我熙朝乃交春陽泰運也讀史至此  
豈止如觀象玩占於剝復之際乎此冊今歸于南海  
農部書谷齋中持以見示扁為題識其後嘉慶丁丑  
四月九日方綱

明沈禹文手札

右沈禹文與錢磬室手牘二通禹文名大謨吳郡人  
嘗游於文衡山之門予齋中有其小楷書詠秋葵一  
詩與文氏二承及周公瑕諸人同賦者書法得衡山  
手意此二帖雖是行草然亦仍不遠于文氏派耳予  
又藏吳中皇甫兄弟雜文寫稿雖塗抹草草亦皆是  
長洲楷法之體蓋爾曰吳門書派上下百年間大致  
如此嘉慶元年歲在丙辰春二月九日題北平翁方  
綱



肅府刻淳化閣帖初拓本

南海葉氏藏帖凡十冊肅府原跋刻本一冊

陳子文舉蘭載筆云肅府淳化閣初拓用太史紙程君房墨人間難得拓工間有私購出者直五十千者此本是也尚在王孟津不跋之前孟津跋是崇禎卞一年也

墨香百五十年前北李燒松迹宛然十載費家瑀精業良工心苦倩誰傳龍膽壺魚鳳喙危東書園殿幾何時八分留得題名石應教陳毛有二邱自題所藏肅府淳化閣帖初拓本二首乾隆壬寅秋七月朔北平翁方綱

蘇齋題跋

肅府淳化帖

一

劉公敵七頌堂識小錄云肅府帖人賤其近北海先生謂勝前人其原本余曾見之闕二冊猗氏有荊君得之歲甲辰携往江南今不知所在矣

第一至第四卷用汪象先所藏宋搨大觀帖真本細審之以紅華圈識乾隆甲辰秋八月廿五日蘇齋記內府本又逐卷逐字細對改正一遍訖合之今秋用大觀口卷所改者只除自藏大觀第六卷殘本之字未經對改外今改正者十卷內合共改正五百八十二處甲辰十月十七日

內府本賜詹事府恭貯者今始備檢前後有工匠粘

悞處移正重裝併於後幅謹記每卷帖數字數丙午  
三月三日詹事翁方綱謹記

又以第九卷參合濟源本太原本改作肅府本十六  
字是日附記

嘉慶庚申冬十一月十三日以朱黃所鑒評覆校良  
常王氏所云者摘其一二畧寫于此良常雖間有訂  
正然朱黃寃是舊聞是以略存之是日方綱記

嘉慶癸酉秋八月以邵瓜疇舊藏淳熙脩內司帖十  
卷細對肅刻本也

法字上二點用分法不如此之着迹卷一第三葉首  
行法字

蘇齋題跋

肅府淳化帖

二

此字似永興法卷一第廿四頁七行遲

此葉今石已是補泐口口口口口口口口可寶也卷一第廿六葉

此葉今石州是補石非口口口口口口此舊拓不易得卷一第廿六葉

右軍袁生帖之外又訛此一吾字卷八行廿八

乙卯卯字竟訛作𠂔此是𠂔字矣明代學字不講字

學如此卷一未題

以上第一冊

初願園所收一本拓口口口口口口而墨工極有斟酌凡

原石坳口不平口口此本每近淺淡者皆概以一色是拓手之善也

此帖末潛處耳淳化閣本誤分處作不可二字當以大觀正之昔見汪象魁所藏宋拓大觀帖以此細對尚未及記出今得見李春湖所購始記之嘉慶辛未

五月十一日

卷二第八行

宣似表以大觀帖十五行為正淳化閣帖改作十八

行停雲館帖依此宣示表十七八行

詳說大觀白騎逐帖始悟唐儉碑之妙行卷二九葉二

大觀三直筆微帶分隸意二卷二十葉二行十字

蘇齊題跋

肅府淳化帖

三

似是毀字卷二行十四

此葉今蘭州石已另刻此乃舊石本可寶也卷二十

大觀帖傷感二字如古泉刀布之文卷二行二十五葉

大觀此等字皆似古篆卷三行五十一

此葉今蘭州石已另刻此乃舊刻本今不易得矣卷

二十六葉

此之大觀本神似永興卷三行廿三

以上第二冊

大觀權場本此首尾二亮字摩去皆尚微露上下筆

痕卷三一葉三行

嘉字長茂舊誤嘉長 卷二三葉首行

大觀若字無口作一勢既是草書豈復有作口之理

未知左氏傳注葉本亦時帶章草乎 卷三三葉第八行杜預書

精心看庾亮劉超書則北齊劉珉筆勢蓋可想見并

可參之寶賢舊拓 卷三五葉二行劉超書

渙之此帖大觀極道厚此尚嫌單弱耳 卷三九葉三王渙之書

搯之等白白字大觀不如此可見摹手全不知筆法

而惟工匠之是憑益信右軍素生帖內吾字之失出

於摹刻之誤而非原蹟如此矣 卷三十葉二行

此葉今蘭州石已另補此是真本不易得 卷三十葉三

蘇齋題跋

蕭府淳化帖

王弼書亦當參之寶賢以證化度之脈不究晉人之  
正脈而專臨學唐碑已落第二義矣况不究心唐碑

而但學來董者哉卷三十三葉

贍舊誤為贍卷三十三葉

此葉今蘭州石是重刻此真不可得矣卷三十三

羊敬元書摹手太弱卷三十三葉

郡字太不成形體寶賢雖笨鈍尚自可參卷三十三葉

弱及不成字卷三十三葉

以上第三冊

此第四卷蕭子雲小楷書列子脩內司本圖渾古勁



勝口吳荷屋得此卷宋拓蕭思話帖諸帖歐陽帖並  
所作紹興而列子小楷拙滯尚不逮此肅刻也肅刻  
雖多失于僵滯猶想見原本相去不遠今以所校  
略記于內規以圓渾即古拓儼在前矣

此帖修內司本精腴口口每捺脚腴勁不如此方板  
以修內司本詳之此是蕭侍中以鍾法運用右軍書  
付官奴衣盃之秘券此本模刻之失固不待言矣然  
以較吾之翫賞北齊造像記得其一二拙趣者何如  
卷四四五六  
葉蕭子雲書

君頂右肩與定武蘭亭羣頂側下同卷六五行十五

蘇齊題跋

肅府淳化帖

五

此葉今蘭州石已另補此真本不可多得卷四十  
此葉今蘭州石是重刻此真本不易得八卷四十  
此楷口口之第三帖也當合寶賢帖看之李邕書  
薄紹之帖軍宅二字當以內府本參合寶賢本二卷十四  
紹之書

以上第四冊

宋僖唐明皇時人學鍾書此帖大觀石本有魏晉人  
意行宋僖書  
此葉今石是重刻此舊拓本可寶也卷五五葉  
此前半葉今石已另刻此其原石不可易得葉前五八

大觀帖智果論書作一段連屬王子敬王右軍蔡邕  
扶風曹喜等均不提行卷五十八葉九  
此葉首二行今石已泐去一卷五十一葉  
疾惛忽移以下凡二行半今石泐卷五十二葉  
嘉慶甲子六月二十日取顧氏釋文對看蘇齋記  
此第五卷末葉明代之跋後四行今已脫失矣何況  
古帖之闕泐失真耶是日午後微陰又書

以上第五冊

黃長睿十七帖云侍書王著勒石勢殊踈拙方綱按  
踈拙二字以評淳化閣帖可謂神鑒孫退谷賞畢文

蘇齋題跋

肅府淳化帖

簡賜本云有朴氣二評揚抑不同正相表裏因題肅  
本初拓第六卷前庶以髣髴祖石本之妙壬寅冬十  
月十二日

此卷內素生帖据依 內府本改正一吾字真乃一  
字百金真也甲辰十月一日齋戒歸記

萬憂二字今石已另補此拓二字尚是舊本今不可  
得矣葉卷六十六行

第二可字點勢乃連下一字為章法安可截斷此王

侍書之失也葉卷六十九行

待此豈三字之旁點內府本皆無大觀摹本或有之

或無之寶賢亦自大觀摹而無此一益宜從之卷六  
十葉十行

雄字末尖垂入蜀字之內大觀摹本亦或有或無寶  
賢則無之內本亦無卷六十一  
猶字叅看寶賢卷六十四

四月廿三日四字細審大觀原本方知內是廻折  
之筆而淳化本摹失也寶賢蓋亦沿榻本而失者脩  
內司本同卷六十七

建安帖惟口口口口懷仁集聖教所本也苦字損  
拙廻折口口口口日本妙極淳化似不應訛謬至此

蘇齋題跋

肅府淳化帖

苦字自唐賢化度昭仁中直並不多穿上而草頭作  
對觴勢益山陰之法其來有自今見大觀真本并懷  
仁集聖教皆具遺則而何以淳化摹本乃失之卷六十九  
葉建安帖  
袁生帖考辨詳具予所藏大觀真本卷內跋語卷六十九  
葉袁生帖  
司州帖私福二字摹失修內司本同卷六十九  
州帖二行私三  
福

以上第六冊

以修內司本對之其原本實口口寬出幾許不但此

帖也姑記于此可見移行之斷不可足卷七十五葉承

以上第七冊

脩內司本此每行皆寬出二分許卷八十三葉頌還

今石是另刻此是真刻可寶

卷八十三葉

少敬脯諸行

此第二行人字起筆之頂吾字中間迴筆皆是回帶  
逆折之勢以內府本校之正相合卷八十五葉二行

以上第八冊

丁巳九月吳鑑菴持有銀鉞樣者一本來求頸肥厚  
與肅本相近而筆勢頗方聞之內府宋初拓本亦  
肥而方也然鑑菴之本與此本互有出入則摹手不

蘇齋題跋

肅府淳化帖

八

同耳通李春潭亦持一銀鈺本來摹刻微瘦遜於吳  
本矣此兩本第九卷皆肥與蕭本異後三行皆全  
甲子夏于墨卿處見一本南宋翻刻亦是蕭本而第  
九卷仍肥於蕭本末三行亦全昔王良常品閣帖第  
九卷謂大令書規矩者過於專謹翔舞者過於縱逸  
蓋以第九卷之細瘦者為專謹第十卷之放筆者為  
縱逸也此特執目前所見蕭本言之耳蕭本此九卷  
是別從一本摹入以致過於細瘦以致王良常目為  
專謹其實淳化原本初不如此今即以南宋坊所見  
賈重翻之本其第九卷尚不似蕭刻之細瘦而其第



十卷却較轉肅本稍近細瘦則是後來摹手偶有不  
同豈得執此以評大令書耶乃王良常竟以此剖分  
子敬書格謂子敬於右軍之意離而二之是則談子  
敬預知後世有淳化閣帖肅州翻刻末二卷肥瘦之  
歧而先自區於異轍者益良常王氏書評多是八股  
時藝評語中來亦猶之所評漢隸禮器屏體凡數變  
云云者也今偶因此九卷淳化原本非若今世所行  
肅本之細瘦此特一時翻摹者之所為不足以程量  
大令之書而適足以證良常之誤故備言之即此二  
卷前後肥瘦之故不能辨析遂至大令之書不明白

而上下千年書道之正變源流遂以消秦豈止彼一  
說扣槃捫籥宜剖析哉嘉慶九年歲在甲子秋七月  
十日方綱書

嘉慶癸酉秋八月以脩內司帖詳校知肅刻此卷另  
從一本出也

內府本此卷之字皆較此洗厚卷九

撥衣帖晉本為勝與淳化本字字不同不具摹改矣

卷九三葉

撥衣帖許字本此下尚有四十

奉別帖下氏式古堂刻本與此迥異筆勢放縱前口

口口字皆作冷下跋云唐刻初本者也奉別帖

內府本此八字筆筆重頓卷九六葉二行彼急  
修內司本此行末底與前行末雄之上半相對此則  
太收上矣婦卷九十三葉既新  
脩內司本此行末底與次行不字正對卷九十四葉  
行二

山谷云此帖有秦漢篆筆意

廿九二字極肥改勢此即山谷所謂篆筆之類耳脩  
內司本廿三左半似是半缺則即所謂改筆勢也肅  
列左上半似尖則失之是亦此第九卷另出一本之  
驗

蘇齋題跋

肅府淳化帖

十

山谷此評可為晉法存古之券脩內司本遂字左左  
深字下末皆見古厚遺意

深左下肅刻誤本一折亦另本之證卷九十九日帖

薄冷帖可作化度左券卷九十九日帖

業薄冷帖

王虛舟云錫大佳以下兩行是率更書當別為一帖  
蕪湖韋中丞云淮南子柳下惠見飴曰可以養老此  
帖柳六惠六當作下也愚按韋說是也大觀帖亦作  
六而上一筆微有鈎帶之勢大觀帖是取真迹重勒石  
者所謂真迹即南唐以來仿書之墨本耳非即大令  
原迹也必是仿書子託下為六耳據此則錫可二字

下惡原文仍當有養老二字常餌亦覺有益另自為句蓋仿書者每有隨手之變致斯措枉矣脩內司本六下一筆迴帶亦稍輕不似肅刻竟作六字一卷九廿帖大佳

此帖硬字下缺三行十八字塞仰料靜婢自常不和知從事甚簡致此佳也肅府上石時原失此三行南宋本有此十八字卷九廿四葉諸

以上第九冊

虛舟蓋以縱筆者皆偽耳然亦不可槩論也大令有似後來歐者米者

蘇齊題跋

肅府淳化帖

上

伊墨卿購得南宋方賈重翻淳化第十卷所列字尚  
不誤然筆畫已傷瘕削矣口口尚不及此肅刻初搨  
之神彩也嘉慶甲子六月十日方綱識于石畫小軒  
嘉慶癸酉秋八月以修內司帖詳對一遍審口修內  
口口口口之本即此肅刻所從出之本亦以見肅刻  
本之可信也中秋前一日

武字中間肅本失舛耳願釋遂謂與西連字互置今  
以南宋本核之初不如是蓋口口以見口口口口  
叶武之國五行此  
歐陽率更所開先也卷十十四葉鄰  
陽書首行便字

舉字中間與挑起處中有墨迹故致悞南宋翻本此  
處尚明白卷十十一葉  
以業今已不存今蘭州石是重刻者矣此舊拓本在  
今日已為至寶矣後第廿三廿四廿五廿六凡此卷  
末四葉同此卷二十葉  
內本明字在下一行之首方見章法卷四行明字  
以上第十冊

蘇齊題跋

肅府淳化帖

十三

文衡山書喜雨亭記卷 現藏南海葉氏

適為門人莫續軒作畫雨亭詩用蘇文吾以名吾亭  
作結句是日購得文衡山書喜雨亭記卷子因題小  
齋曰雨香賦此志之邀魚門韻亭和歸築山房第八  
秋二桐簷影更深幽鐵門限法工尤細上黨木書氣  
可求叅刻石經無屋貯竊題画雨已涎流感驚珠玉  
從天賜稽首冥冥豈易酬甲午是嘉靖十三年先生  
六十五請告歸里築玉乾隆四十三年歲在戊戌秋  
八月廿四日北平翁方綱

磬山房之第八年也至今二百四十五年矣

蘇齋題跋

文衡山書喜雨亭記

一



我因喜雨名雨香雨餘度地蘇齋旁寔明更展喜雨  
卷香來着我喜欲狂文待詔書世多有無若此卷森  
晶芒蘇文本為志喜作書時想值秋雨涼村村稻熟  
慶江渚葉葉桐響聽山房神來腕熟紙墨潤珠圓玉  
粟龍驚翔虞褚法皆永師法折旋開出改體方晉人  
神清唐骨重先生益以晉入唐後來吳興擅流料得  
其意者郭與張郭天錫伯雨張伯雨彼皆偏師此正幟或嫌薄弱  
庸何傷此卷神全氣獨厚四邊力足鋒不藏仙人嘯  
樹望窈窕瓊臺緩步窺琳瑯吾欲因茲叩津逮漸之  
永興漸二王停雲石刻苦側媚那兼楷法和而莊蘭

亭聖教香一辦綿綿息息來書堂吾于書道媿筆澀  
拈荻一寸萌驕陽得此頃如畝得澤硯田夜漉沆瀣  
漿發生盎盎風興氣淋漓真宰通墨皇寶章訪集自  
此始比于禾鼎真不忘莫輕寸園玉雙軸燭天夜夜  
迴虹光兩香齋詩題文衡山墨蹟卷後得此卷之夜  
二月始為重裝錄此于寶蘇室之南窗下冬十月四  
日也方綱

蘭亭真影識經秋化度歐書詣更幽興過千年知莫  
逆晤言一室待何求古香什襲輕難洩秀韻渟空迴  
不流定有墨緣迴廿載神光離合為君酬  
衡山小楷  
洛神賦卷

蘇齋題跋

文衡山書喜雨亭記

二

將有歸來之意書此跋之

兩窓無事展翫文衡山書喜雨亭記卷再疊前韻方

綱辛丑六月二日

去年秋得見天目山房宋拓蘭亭卷今春復得見趙子固落水真本而去年春得宋拓化度寺碑始知山陰渤海原流合一之妙

衡山此卷實能以歐虞之法上接右軍正脈者也

書家有意到筆不到者雖作于亦不能免然精熟蘭亭定無此慮如玉潤且極寒諸帖皆所謂飛騰綺麗魚有之矣

甲辰夏五月廿二日雨中展翫大觀真本因識於此  
卷後方網

是歲仲冬廿日以衡山仿蘇書泗洲僧伽塔詩與此  
對看深歎其能用南唐後主撥鐙法為書家不傳之  
秘滯記於此

昨於涕南得衡山所作樹石大軸始備見先生具體  
坡谷之妙癸丑中秋前一日記于此卷後蘇齊學人  
方網

蘇齊題跋

文衡山書喜雨亭記

三

明李義民縮臨蘭亭錢塘何氏藏本

李義民以小楷擅名然蘭亭縮為細書本自難工此  
中欲拈古人妙處正在神理謂謂欲活非可以皮相  
也嘉慶三年歲在戊午秋九月朔為夢華居士題北  
平翁方綱識  
此冊凡縮本二種然須彌納于芥子其理微矣更於  
後跋詳之

蘇齋題跋

明李義民縮臨蘭亭

一

王一峯縮臨定武本蘭亭錢塘何氏藏本  
作蠅頭細書不難于得形而難於得神不難於索密  
而難於寬展自如有尋丈<sup>丈</sup>之勢此所謂法外之意可  
為知者道耳戊子秋九月二日方綱人識

蘇齋題跋

王一峯縮臨定武本蘭亭

一

四明范氏天一閣蘭亭題跋卷現藏南海葉氏

予所見神龍本皆有貞觀神龍開元大觀諸印惟王  
秋坪所藏本致佳而無前後諸印予既為手摹入石  
矣四明范氏此石本即豐南禺刻於烏鎮王氏者亦  
有神龍諸印而筆法勝諸本不啻倍蓰矣治亭宗伯  
得一舊拓乃無諸印而圖潤又在范氏石本之上益  
宋刻宋拓耳附記於此斯文下亦無褚氏印王  
頤園通政持所藏星鳳樓帖十二冊來看此褚臨蘭  
亭在申集之首即治亭所得本也戊午六月廿六日  
此所謂星鳳樓帖者內有以泐後之汝帖摹石者其

蘇齋題跋

天一閣蘭亭拓本

非星鳳審矣然此褚臨蘭亭實在豐南弔本勒石之前足見世所傳神龍本者特出聖朝雜帖內之一種而後人增入神龍書府諸印以炫人耳而此每卷後題紹聖三年上石

褚本畢竟神龍有牆壁可尋而穎井本反張金界奴本即使超入神品尚不能免微有一豪英雄欺人之意今日合諸家所勒諸本細對識此戊子六月廿六日是日立秋張金界奴本尾後有紹興印耶一末尾而上下鈐紹興連珠印者三專谷誠恐人疑其非出紹興內府藏者以其筆妙之飛動則愚見恐與穎井本皆出米老



耳

所謂神龍本即未必果是褚公墨迹要之必是褚臨後人上石者矣所以有神龍諸印又不及其無印者也是日又識

顧園所收蓋雜取宋人秘閣諸刻摹成者即以此本褚臨蘭亭細對視四明本無一處不相同而神理圖渾淵雅勝四明遠矣

第六行弦之脚底四明本縮上二分許可見天際烏雲帖本之失十一行末仰字針眼尚同四明本無之

此本即文休承所謂豐道生刻於烏鎮者高出世所

蘇齋題跋

天閣蘭亭拓本

三

行神龍諸本神氣迫出矣而以宋人雜帖內之翻本對之已覺帶有倉氣右軍清真格韻豈容覓得耶第廿三行知字矢中撇勢竟斜側而下耶雖褚公自運已思恐未必然也張金界奴三本則餘清善矣若神龍本能謀重石入時此等處更當精研也暢左起處似以天一閣此拓為是顧園本已塗失矣再僧治亭本校之

王虛舟竹雲題跋云予得毗陵董玉乳宋本前有神龍小璽後有褚氏印拓法精良紙墨皆古比他本高半字字亦較大勢極縱宕郭天錫稱為字法道逸墨

彩艷發奇麗超絕洞心駭目良非虛語往在玳陵見

新安汪氏所藏褚摹黃絹真迹與此正同

徐壇長書美堂集跋頌書存家藏神龍蘭亭云稷帖  
惟此沈著飛動烟有神采余家有周家胃貽先贈公  
此帖舊刻初拓誠可寶愛後嘉興曹仲經拓貶乏本  
滂逸已甚亦是重勒近康熙四十六年丁亥新安汪  
氏願真堂刻遊北遠

朱竹垞曝書亭集蘭亭神龍本跋云評禊帖者十九  
多推定武獨陳長方謂唐人摹本非定武石刻所能  
及是本有神龍半印正唐人摹本也墨迹存項子京

蘇齋題跋

天閣蘭亭拓本

三

天籟閣分授其子<sup>德</sup>壞宏鉞諸石康熙壬子夏予購得之經熙寧元豐諸賢審定元人賞識略同比於瘦本差肥然抑揚得所骨力相稱假令孫莘老見之定移入墨妙亭子徐壇長云此墨迹未知竹垞並購得否汪氏本丹陽賀紫衡跋又謂四十年前見真迹於其鄉姜宗伯家今歸汪氏自是兩本唐宋人雙鉤本多人不能別遂以為真無足異者頃刻予未之見吾友曹仲經曾占弟子籍于竹垞先生今年秋寄書索之仲經允拓示而未至也按壇長此跋則項氏所刻神龍蘭亭康熙末年尚在朱氏也記當向嘉興人問之

吳興掌故載孫莘老墨妙亭石刻有褚本蘭亭帖故  
竹垞先生此跋云爾

神龍蘭亭有神龍書府印容惠矩有印有王景倂張  
太寧同觀一行又仇伯玉朱光庭石蒼舒觀元豐五  
年四月廿八日二行而宋人所刻曹娥碑後亦宛然  
同此其筆法位置印記悉同則豈曹娥碑亦經神龍  
中太平公主借出耶吾故云神龍蘭亭之目是宋人  
好事者所為也

蘇齋題跋

天一閣蘭亭拓本

四

餘清齋樂毅論 現藏南海葉氏

戊午七月四日王增特來樂毅論一本與此無二而  
無前後諸印後無書付官奴四字中間數行之末所  
空分許悉同第一行先之必迂迴五字間無泐痕第  
四行其字亦無泐痕其刻手視餘清為善蓋與此同

作六

所出者刻在前耳宋刻本無字

渤海藏珍帖刻趙臨樂毅行次全改直是另寫非臨

也固不足論耳然其後有至治元年子昂自識云

序子昂不能作也至治元年子昂年云十八

是當日必實有此臨本與國學本無可稽考考尚有

蘇齋題跋

餘清齋樂毅論

一

間也而其尾亦無書付官奴字蓋子昂亦是見南宋  
重刊本耳所臨竟毋足置論

嘉慶癸酉秋又以越州學舍本與南宋再翻本及明  
朝人別一翻本細對深歎耶董王若林輩之失攷也  
此出自元祐秘閣續帖之本停雲其嫡孫而餘清又  
其旁支裔孫也

以南宋翻刊樂毅論對之則停雲勝餘清遠矣  
餘清竟是墨迹上石此墨迹必宋人所書耳  
新安吳氏餘清齋刻之樂毅論乃南宋重翻之第三  
傳矣而邢董吳王皆詫為梁唐摹本豈知書者所宜

出此

宋刻前有題目三字一行

南宋初翻本即墨下亦闕

三行先之必迂迴字間泐痕是其墨迹如此後泐亦

然皆宋刻所無

王翦林極推此刻竟不知其後宋刻本來也

清和張氏真蹟目錄云吳龍遠氏示余梁臨樂教論

後有邢侗再跋細辨之是宋人筆尚未及韓太史家

唐初臨本何消細辨之是宋人筆尚未及韓太史家

耳王良常之謬張本唐初臨本何消細辨之是宋人筆尚未及韓太史家

蘇齊題跋

餘清齋樂教論



按張米庵清河書畫舫自序在萬曆四十三年丙辰而所著真蹟目錄又在其後則此條云于吳氏見邢跋樂毅論者又在其後矣吳氏此刻樂毅論及邢跋皆不同年月凡明刻帖皆不知考據而其卷內之黃庭有戊戌己亥則是萬曆廿七年己亥也以此考之則張米庵見此蹟又在吳氏此刻之後廿餘年蓋即吳用卿此卷上石之蹟矣王翦林所稱柔閑蕭散逸態橫出不言是墨迹則即據此石本言之翦林竟未知張米庵是米人筆之語而竟以為梁摹耳鄙見宋人之語果非妄也嘉慶乙丑十月以

元祐秘閣帖之本考停雲餘清二刻因識  
鬱岡亦從此迹出非從宋刻出

此直是宋朝一書手另自寫之非臨也但是影照古  
本之行次住置寫之張米庵曾見吳氏此蹟以為出  
宋人筆信不誣也然所影亦非古本乃是影照宋刻  
而宋刻疑古本耳

十四行第九字廢此頂點摹自南宋初鄰本來  
款鴻堂刻宋樂毅論即明人所妄傳貞觀六年褚銜  
者而其後乃有董跋竟目為唐摹六本之一似此則  
董文敏之為書家也何以為後人作師法乎

蘇齋題跋

餘清齋樂毅論

三

餘清齋黃庭經 現藏南海葉氏

涿州馮文敏臨黃庭經後有文敏自記云余在甲寅年見此書乃新安吳江都家物後有董元宰先生跋謂是唐人臨右軍真蹟蓋小字難於寬綽而有餘故非宋元諸名家所及即此本也甲寅是明神宗之四十二年

此清且涼下脫一行凡廿一字與穎井本所脫正同是從宋後翻本摹出也

蘇齊題跋

餘清齋黃庭經

一

餘清齋張金界奴本蘭亭未行斯文旁有臣張  
藏南海韋氏

此卷世稱天歷蘭亭白麻紙本墨色黯澹蓋唐人摹  
本安氏記云董陳定為雲臨尚未信也安記法書上  
蘭亭帝定餘清尚微近之秋碧則益失矣

蘇齊題跋

餘清齋張金界奴本蘭亭

一

重摹子昂五字損本蘭亭卷錢梅溪摹後增印

跋此卷蘇齊故物今藏南海葉氏

趙藏五字損本既太泐昏即使劉雨若勉竭心手之力亦未必遠過此內錢君所泐是小齊此卷存影亦畧足抵真矣惟是馮涿鹿當日若屬劉生全鐫此卷究有今人不能摹到之處而況彼時前後篆題款記未經翦去豈不較所刻快雪堂法書之潤入偽褚銜樂毅論偽褚臨洛陽宮蘭亭者較勝耶記此使彙鐫法帖者慎之

獨孤僧贈趙之五字損本此在南宋初薛氏拓已在

蘇齊題跋

重摹五字損本蘭亭

一

最後故原泐昏蝕實難取影以致抱內開口亦下四  
點之類皆有摹失其實此是原帖之影宋芝山云原  
帖偽者訛傳也初亦未必是南宋時拓耳非必南宋  
若使劉雨若摩入石自必尚有勝此之處  
有感于斯文一行後空黑紙有世外元賞四字紅文

方印

此間隔水綫上有悅生印下有蕉林祕玩印

曹世長柯梁馮諸印皆自後移此 此處廖氏尊樂

堂書畫記

八字陽文長方印

帖尾斯文下集子之齊紅文印錢刻此帖未摹入

据吳子敏書畫記云此帖是黃紙拓本今驗燒殘者  
信然

卷前定武蘭亭四大字 篆書

後學生徐霖重沐敬題

吳練塘跋載俞壽翁續考內益南宋時此卷已著名  
久矣

此與後柯敬仲跋皆錢梅溪影寫見寄者已巳六月  
又以梅溪雙鈎吳柯跋詳對之益樸豁欲勒吳柯跋  
於石也此下米錢鮮于三跋則皆燼餘半段矣鮮于  
跋以舊在稿錄于下

蘇齋題跋

重摹子昂五字損本蘭亭

傳朋赴鎮上饒相遇嘉興觀定武舊本蘭亭真氣凜  
然紹興甲子九月十四日雒陽朱敦儒題字希真號  
歲壑老人

又括俞考重補寫於此

俞松續考第一卷內載此本沈伯愚藏者凡六跋一  
是吳傳朋跋二是此跋其後四跋并錄於此卷後并  
附識此卷原委于後

舊見王子慶家定武墨本已絕佳今見此本尤勝吳  
興錢遜題

錢玉潭此跋未見於著錄今燒殘只剩上半不得見  
其全文也所云王子慶本即子固落水本也乃此跋



云此本尤勝則即茲一語可以斷定其必非五字既損之近以退筆禿鋒之本可無疑矣餘詳說於此卷之尾壬申七月二日

蘭亭墨本最多惟定武刻獨全右軍筆意此薛紹彭家所拓者不待聚訟知為定本也至元己丑三衢舟中書時過安仁鎮正月望日

此鮮于困學跋近日翻刻趙本有以此誤為趙跋者此跋至元己丑在趙跋之前二十年是時困學年三十三歲困學於至元渡江始學書此尚非其晚年妙境也

蘇齋題跋

重摹子昂五字損本蘭亭

三

以上錢舜舉鮮于伯機二跋皆尚是跋吳傳明得自  
薛氏之原拓本其抽換者但于前半抽去沈范李三  
跋以勝五字末損本而去其事約在至元己丑後至  
大己酉前二十年内獨孤和尚所不及知餘詳卷尾  
趙第一跋又有未損又字末捺是趙書有此戰掣之  
勢鐫工所不能傳也快雪堂帖劉雨若鐵筆已不能  
得之矣

河聲如吼一跋何以下有解曰二字今已燒去快雪  
所失此刻本有  
第十跋而墨本輒不同本字原蹟中間一直從上直

下然後分左右撇捺快雪本誤

第十一跋末放開放字末筆不放共快雪不誤而石

恰此處泐矣吳靜心本竟是從快雪泐後之本再翻

者誤作放矣吳重翻快雪帖皆效其泐勢是以觀者

莫詳也此字合上下章法必無出波之理

趙第八跋末重展此卷因題下有趙氏子昂字

第十跋中間一行故蘭亭難辨蘭亭二字上益合同

印此條末壽張書下有趙氏書印

第一跋末待放開書下趙氏子昂印此印已燒損

第十二跋末七日書下趙氏子昂印此印尚

蘇齊題跋

重摹子昂五字損本蘭亭

四

趙印考證詳于殘記卷後

前數年聞譚觀察

組綬以八百金買揚州吳杜村紹

浣之趙十三跋蘭亭卷後又聞揚州鮑字從譚借出

為鐫于石鮑亦僅刻趙跋趙臨而不刻前後諸跋與

馮所見略同不足異也宋芝山為予拓此見寄云其

後王芑孫跋云云是鮑氏不欲顯其從譚借耳非果

芑孫物也今此卷已燬因與快雪本對之新鐫笨鈍

遠遜劉雨若之得神然其中都亦有一二處足與快

雪本可資互證者

末有夢濤印其人姓党前年在揚州見予題焦山僧

屏詩顧然願刻之石其刻拙書能肖所以刻趙書不  
及劉雨若亦無怪也然松雪于此帖已不得其原委  
徒令人尋攬舊書而不知研究契帖真品其視覺君  
之不精於刻趙而能刻拙書者相去無幾徒增悵恨  
而已嘉慶辛未春三月二日方綱

趙臨蘭亭附記

在字起二筆誤

于字集字上橫皆改彎筆誤

陰右捺原本本鋒長而此損本後拓尤長此臨作蓄勢  
不放誤

蘇齋題跋

重摹字昂五字損本蘭亭 五

羣頂定武本側下則未合

賢左臣之下筆非平橫也臨誤此一字凡三誤

崇山頭誤三點誤下直又誤

帶四直不合趙臨此時尚未得見不損本此尚不算入誤筆內

絲竹竹字迴筆誤因原拓已昏也

察字右捺半放非全蓄也臨誤

類左下竟改原蹟誤

抱將左下撇臨作帶挑此二處誤

託口下橫放出外邊誤竹託二處誤  
所請趙益未知

整斤改去小直省作帶筆誤

隨內省去一小點誤

遷西下中撇直下隨地末之又省去上點此一字二誤

亦大矣亦作三點誤

豈上橫及長出而下橫末逆垂左此字二誤

由字不知末老所謂楷則之理而末橫又外出此字

二誤

諸如蟹爪針眼丁形之類皆全不依本帖其他隨手伸縮不準原蹟者不可枚舉似此則崇山何必旁挂

蘇齋題跋

重摹字昂五字損本蘭亭

六

因向諸字何必大書直是另寫一通何必臨哉  
愚最不服臨古帖以不似為得神形之不似神於何  
似若不取似則馮承素輩可不依繭紙之樣即定武  
原石先不可信矣含坦途弗率而侈言凌躐此今日  
學者之大患也豈止書法哉

柯第一跋前奎章閣鑒書博士印柯九思印馮銓伯  
衡印第一跋尾紙錫訓壺蘆印

第二跋尾有升邱柯九思章六印陽文方印緼真齋  
三字陽文長印訓忠之家四字陰文方印  
柯敬仲跋云趙公家藏數本惟此為真公寶愛終世



未嘗去手然趙題譚崇文藏五字未損本云生平見  
蘭亭真者三本一落水本一自藏蘇損本而以譚崇  
文本為三本之冠其跋是延祐丁巳在此卷十三跋  
後七年而不言及此本何也

趙藏五字損本原卷燼餘存字煦齋司農得之嘉慶  
辛未夏裝卷屬題留予凡上三句之久題其本帖贈  
綾後云北平翁方綱書此殘拓紙尾不啻山陰道上  
觀百花齊放也五月廿四日石墨書樓後軒記

揆家所藏定武禊帖有三最後得此本絕妙戊申九  
月三日觀於欣遇東齋

蘇齊題跋

是歲冬十一月觀楊伯時路分家藏本與此正同其  
藏題是薛紹彭手書知此為定武真刻無疑右二條  
沈虞卿跋

蘭亭叙唐世摹本已不復見今但石本爾摹手刻工  
各有精麤故等差不同惟是定武者筆意彷彿尚存  
士大夫通知貴重皆欲以所藏者當之而未必然也  
觀此本則不容聲矣紹興辛亥立冬石湖范成大書  
予從士大夫家見蘭亭石刻多矣皆號定武本雖秘  
府之藏亦未免雜贗也紹定癸巳脩楔之日舟過  
禾興欣遇沈公之孫寺丞出示家世所寶二軸望之

知其為真也此軸本吳傳明得諸薛氏而博古如尤  
王善書如朱范同所鑒賞則又信而有徵矣近歲士  
人作蘭亭考凡數萬言名流品題登載略盡惜無以  
此軸示之陵陽李心傳書觀此跋則尚有尤延之王

右一本六跋

沈伯愚所藏本

俞壽翁蘭亭續考載吳傳明本吳跋朱跋後有沈虞  
卿二跋范石湖李秀巖二跋此一本六跋皆藏沈雲  
卿之孫伯愚寺丞家即以其最後一跋在宋理宗紹  
定六年癸巳至趙文敏得於獨孤僧在元武宗至大  
三年庚戌相隔七十六年沈范李四跋已不存矣以

蘇齋題跋

重摹字聖字損本蘭亭

八

沈范諸跋詳之必非後拓之五字已損者而趙跋以  
為退筆書則是後拓禿鋒之本今其卷前帖雖已燒  
昏而以燼餘所存之字驗之確是後拓鋒穎昏翳有  
類于退筆禿毫者即以羣字下半直末竟不辨其雙  
權似厚畫之一筆即此一字其非北宋舊拓可見矣  
則是獨孤贈趙時不特沈范李記諸跋不存即其前  
拓本已非復吳傳明得自薛氏之舊也竟是宋元間  
有人抽換薛氏原拓本以沈范李諸跋騰之而去趙  
所得于獨孤者是後來有以五字既損之本裝吳朱  
二跋為一卷而趙末之詳攷耳所以他日延祐丁巳

趙文敏跋譚崇文本言平生見真者三本而不言及於獨孤本者益亦自覺其非彼三本之匹亞矣然究竟定武之本字損本故柯敬仲跋云趙公平生未嘗去手此固爾日曹世長購於趙家時相傳珍切之語而不必與趙跋譚本執心並論者也若趙跋既言五字已損而又言與王子慶所藏子固本無異子固本是五字未損者詎可日同語乎此則足以見趙文敏語特偶就一本賞而未能細加審訂宜乎趙臨一本于羣崇之有關改核者直等諸抄胥之過寫者也下學在今日知所詳審之路而限于服虔之注師

蘇齊題跋

重摹子昂五字損本蘭亭

九

春之書皆聞名而不獲見也惟有倍加敬慎而已嘉  
慶壬申秋七月二日方綱敬譔

蘇齋自臨小字蘭亭 現藏南海葉氏

乾隆壬寅冬十月二十日北平翁方綱以定武落水  
本筆意訂正萬松山房本摹此

萬松山房縮臨蘭亭後題萬歷丙午年秋九月重陽  
前李宓臨并勒于萬松山房李宓字義民福建龍溪  
人此口嘗為王虛舟先生得之於燕市後又為揚州  
汪杰中也所摸刻今二石並藏揚州黃氏家虛舟跋  
云用褚本編成選寸刻于青田石四面環轉細若蠅  
頭而寬綽容與能盡筆勢以校原本不失毫髮此又  
玉枕後一奇觀也虛舟頗以不知其爵里為恨今予

蘇齋題跋

蘇齋自臨小字蘭亭

一

既得其李氏而又得其拓本何幸如之然其中頗有  
行次位置之移夫偏傍點畫之外訛不知虛舟先生  
何以云毫髮不失甚矣精鑒之難也予從耦堂侍御  
偕觀因用定武落水本筆意審正重摹凡改定四十  
餘處而後成之然此特因李氏原刻差誤太甚至于  
臨寫之際逐行逐字為之推算改正是以雖校李氏  
本為已經釐正而仍不敢自信為毫髮之逼真也他  
日儻得遇良工為我勒于寸石仍當重摹一過以求  
精至云耳乾隆四十七年歲在壬寅冬十月二十有  
八日北平學人翁方綱識于蘭盟書屋



蘇齊自臨小字蘭亭 黃小松司馬藏

元皇慶初趙文敏公以烏絲欄臨蘭亭于月江學士  
所藏定武真蹟卷內至大己酉疇齊張仲壽復以烏  
絲欄臨定武本于後至明嘉靖戊午文衡山又以烏  
絲欄臨蘭亭於後此卷歸項子京家今不知藏于誰  
氏矣秋盦九兄以汪文端公縮臨蘭亭屬為題尾不  
識於小石帆亭方綱

錢函齋書跋補

魯峻碑并陰

漢司隸校尉魯峻碑今在濟寧州學鄭樵謂出蔡中郎而趙明誠則以為不然往余入都舟過濟寧與武金吾碑各拓一紙幾無一字今此紙雖漶漫然有數十字可識不在夏承孔宙之下而其陰尚有八九漢碑可貴故裝而藏之

尹宙碑

尹宙碑在鄆陵縣字類孔宙碑而多磨滅往在林同人家見拓本後一孔頗怪而求之以鄆陵在僻境拓

魯峻碑陰

尹宙碑

郭林宗碑

碑人所不到久之不可得丁亥冬書賈持此帖來字  
尚完好余色喜婦曰林頭金盡毋奈曰衣可典也婦  
笑而市之

郭林宗碑

郭有道碑相傳中郎舊石為一秀才盜去介休令重  
刻以應求者趙子函石墨鐫華曰今盤<sub>屋</sub>王正已再  
刻王阮亭秦蜀後記又云萬曆中郭青螺重刻子函  
何以不云青螺而言正已豈刻者正已而青螺為之  
主耶抑子函阮亭所傳有一謬耶余往于林同人家  
見一本乃同人手拓者然其跋亦正言非原石絕不

言重刻者之為郭興王也此本正與同人本同故識  
數語以存疑焉若其書真可謂千古之跌宕

### 勸進碑

右魏公卿上尊號碑隸釋云勸進之詞不一此蓋其  
寂後一章也與受禪皆出鍾太傅手弇州以太傅手  
腕不書前後出師袁為恨此非通論也古今來書以  
人重者諸葛武侯顏魯公范文正公岳武穆文信國  
是也書以人廢者曹操章淳蔡京秦檜之屬是也人  
廢而書不廢者唯李丞相蔡中郎鍾太傅而已而猶  
不免于後人之譏人亦烏可不自立哉因書以自警

### 勸進碑

受禪碑 孔羨碑

并告夫後之學者

受禪碑

者字疑行

曹魏受禪碑劉勰錫指為梁鵠書而歐陽文忠公則主顧清臣之說定為鍾繇書石在許州今已燬此猶是明時拓本也方嚴道勁誠為古今名刻然較之郭有道夏承曹全則又有途庭之別矣是以師之者不及三碑之多今鄧夏俱再三翻刻而此猶原本欲不與景完碑並重可乎遂裝而藏之

魏孔羨碑

此魏文帝黃初二年封孔子二十一世孫羨為宗聖

侯碑也在今曲阜孔廟中不知何人書其後列陳思王曹植詞梁鵠書乃宋人張雅圭之說前輩多言其謬然書實與勸進受禪碑同一結體字畫業已滂濫此則尚多可讀得於書賈之手亦可喜也

薦李直表

鍾太傅書在唐時已不可得況後世乎此李直表之所以貶于寓意編書畫舫諸書也唯是字畫古樸而媚筆盡而意有餘誠有如陸行直王弼州者所云者余十三四時有一本與黃庭合裝一冊長而卷去今閱四十四年復得此本雖非幼時故物然與陸氏之

薦李直表

舊館壇記碑

失而復得于五十六年之後者又何異焉遂裝而藏之

舊館壇記碑

陶隱居書見諸紀載者有黃庭外景經大洞真經隱訣畫板帖入山帖舊館壇記五種而皆未之見緣前人多稱瘞鶴銘是隱居筆遂以隱居書皆銘一例今觀此帖中規合矩沈著方嚴全從勸進受禪等碑脫胎似與瘞鶴銘別一結法隱居上梁武帝啓云逸少學鍾勢巧形密武帝荅云稜稜凜凜常有生氣余于此帖亦云

穎上王版黃庭

穎上王版黃庭張登云原跋云出登善手余是其言  
輒取穎上以為黃庭之冠然所得者皆別墨本往歲  
于維揚市一未別本又首缺五六行每有會稽石氏  
之歎獨此墨既未別字洩完整瘦而不枯秀而不弱  
登善精神筆活現臨池搦管足了一生矣又奚唐  
宋拓拓是求耶

萬歲通天蘭亭

此本石既刻武后時而字畫絕類昇仙太子碑豈即  
武后書耶

穎上黃庭

萬歲通天蘭亭



曾氏蘭亭 石公東陽蘭亭

曾氏蘭亭

薛稷拓定武蘭亭諸公多不載豈即悅生堂八千匣中物耶曾紳跋有子澤語其為曾宣靖公臨薛無疑定武神骨雖未得然結字疏通甚似稷書況紙墨有古色曾入內府秘藏乎洵可寶也

石公東陽蘭亭

定武蘭亭余所見最多無出東陽何氏石者故雖石理尚有可疑而不得不以定武真本目之也余所得何氏本最多然皆新拓滂澁幾無筆畫石公此本為宣德後初拓筆畫尚多清楚惜後十一行失去未為

全璧然前後本係兩石而後石差弱今既得前石則後石之有無固可弗論毋怪乎石公之以十三行半截碑為況也石公索余跋為道其大槩如此

曾宣靖公臨稷薛蘭亭

曾宣靖公臨稷薛蘭亭萬厯間章藻刻入墨池堂帖內曾紳跋語印章悉同而字画肥濁不堪轉折長短俱異豈又從此翻刻耶記之以俟再考

皇甫君碑

信本碑版方嚴莫過于邕禪師秀勁莫過于醴泉銘險峭莫過于皇甫君而險峭為尤難此皇甫碑之所

友人半截碑

以貴也余有一本粘于書帙便入篋笥茲本得自閩中紙墨甚舊遂裝而藏之以傲醞泉若其險峭之事余尚未能學也亦取以救吾庸而已

友人半截碑

此唐開元九年僧大雅為鎮國大將軍吳文集石軍書所刻碑也明萬曆末浚西安城濠得此半截有王堯惠者語郡守<sup>昇</sup>置學宮世遂與聖教序同實然實從聖教諸刻摹集而此本則出濠時初拓也故受而跋之